


99-95087



西莊始存稿卷七

古今詩 出山集

露筋祠

霧鬢風鬟別樣妝靈旗肅肅捲斜陽故鄉燈火雞

豚社也賽叢祠楊九娘

吾邑有楊九娘廟九娘孝女父命守桔槔為蚊齧不

易其處遂以羸卒

高郵

茫茫甃社湖奔流會清泚別浦重復重三十六陂

水舟人覺潮生連檣發沙觜衰楊颭殘絲綠鴨唼

疎葦雖乏好山色波光淨如洗彷彿曹生圖能事

西莊始存稿 卷七
賞老米銀刀三尺魚買得來小市對景斟瓦甌一
醉良可喜須臾初月生半魄正遇朏微雲忽盡捲
空明接渺瀰便擬老蚌胎移照入蓬底

行桃源宿遷諸縣境有感

河決今年甚連綿及數州孤城三板沒濁浪二洪
浮祇益蛟龍喜難為桂玉謀羣公勤補救稍解
聖明憂

邳州道中

舉目疑無岸洪波接混茫到今傳竹槩自昔重茨
防插柳家家急增隄歲歲忙欣看保障切閭井免

流亡

昭陽湖

楊柳枝枝弱鷓鴣隊隊閑篙師遙指點一抹是微
山

同張雲澍過家受銘寓齋

愛爾書牕下叢筠箇箇青乾沙微聚雪馴鳥緩梳
翎躡屐忘賓主圍爐雜醉醒相期同把釣一棹語
兒亭

冬日為秦味經侍郎題消暑圖

繚垣迤邐連苔砭濃陰綠樹攢雞腔中涵一鏡不

可唾穀紋新漲流淙淙紅衣翠蓋坼菡萏明沙錦
石交籬茝炎天冰雪此瀟灑盡除簾額開虛牕玉
堂美人昔供奉揮毫金石聲琤琮擬寓園正鄰
朶殿側宮花苑柳遮橋樁偶然邇英散直暇一編
坐對掀眉龐冷笑塵中襜褕客紛紛榮利驚愚蠢
只今身名躋九列修綆汲古心難降手編五禮括
羣籍浩如滄溟吞河江我來摳衣問竒字邾莒執
玉朝雄邦忍饑誦經雖有志寸莛終怯洪鐘撞何
當從公結冬課三餘短景然明缸更畫消寒作清
賞好配長夏圖成雙

題諸襄七宮贊高松對論圖

松爲明項襄毅公手植

高松偃蹇當前軒蒼皮黛色枝柯蕃勢若虎搏兼
雕蹲龍骸狂鬪鹿角奔閱世二百如朝昏空庭蕭
瑟清心魂山衣海髮連頽垣白日黯黹風雷翻樹
外仍覺天晴暄其下湛碧古井睂苔草崩剝啼蛩
蟻阮生近局時叩門拍肩把袂憩樹根松枝作塵
可對論客去習靜還忘言松花墮地松濤喧相與
和荅窮餘嗽先生貌古道自尊幼好奇服紉蘭蓀
襄毅不作嘉樹存懷賢卜宅矢勿諠田南激流堪
植援六枳編籬柳作樊愛茲五鬣情彌敦自入京

國辭江村披圖清夢牽鄉園我來載酒探詞源抽
衍妙緒開愚菴他年茯苓許同殮願攜鴉觜劓蘚
痕草堂時接軟語溫坐看落月傾金盆

穆齋水部至京喜賦長歌即送之吳門

西山一角高城遮九衢蓬勃驚飛沙殘歲將除百
務集游蠆作陣蜂排衙客子畏人獨僵臥嬾逐街
鼓揚馬撾朝來長鬚忽致語故人使節迴星槎倒
衣走覓一相見如銳刮眼癢得爬羨君賦才媿羣
雅磊落載腹三十車笛牀琴薦時卻掃排演好語
紛滂葩冥搜意欲破天械振藻力可攀鯨牙謂我

吟卷頗同調相期復古刪箏琶真珠塢連香雪海
春風萬樹攢霜花邀我理策辦雙屐櫛頭艇子湖
邊挈菴東菴西入蒙密銅坑銅井凌幽遐歸舟剪
燭更沉飲矮箋對擘手屢义平生此樂在夢寐一
飢驅我仍離家荆高酒徒半星散獨處無匹同袍
媯那知合并在今夕論文話舊辭嘔啞題襟準擬
圖主客留君小住亦復佳君言發春又當去萍蓬
蹤跡堪咨嗟吳閫到日冰已泮紅欄綠浪搖明霞
討春新句應更好尺緘貽我天之涯

去歲九日與琴德別於吳門入春得手書

知己北來佇望不到悵然有懷二首

憶別分明在眼前重陽風雨雁飛天寒藿薄飯挑
燈話竹几藜牀共被眠振觸聊攀橋畔柳伶俚獨
上郭門船到來人海愁無那忽忽相思又判年
聞說輕裝已戒途計程分水又丁沽春來冰雪多
如許道上興居好在無預擬三間房共賃相期九
節杖同扶壚頭滄酒須頻買待汝團圓倒百壺
同諸君飲曹鴻書舍人寓六首
招邀屢過道南街藤簾蘆簾映小齋茗芋甕邊堅
臥好懶從九陌蹋風霾

宵分還見拍觥船戶小難勝斗十千最愛鄉園好
兄弟聚頭軟語綠燈前
明時健翮天遠藥樹吟成絕妙詞慙愧病夫空
散誕青袍似草鬢添絲

六年泱泱走江湖苦憶金臺舊酒徒回首看花法

源寺輕塵短夢兩糝糊

憫忠寺今改名法源寺中有海棠最盛戊辰歲曾與

舍人同游

退谷煙嵐春可遊來青軒外亂峰稠一條柳粟非
難具徑欲從君上竹兜
善病工愁骨相寒那堪留滯久長安當筵預覺離

情動欲去滄波把釣竿

蘇軾即事簡吳山夫沈汲門吳裒楓諸子

松牀蒲薦兩無嫌
隱几空齋獨捲簾
酒債未緣貧後減
吟情偏向病中添
安心欲試庚申訣
結習仍排甲乙籤
有約能來同夜話
一鉤新月正窺檐

題曹鴻書課耕圖四首

細柳千條踈地低
菰蒲深處水平畦
科頭閑向樹根坐
愛看秧鉞翠毯齊

滄瀆城西竹樹多
吳淞曲折引滄波
練和相望田廬近
我欲移家問綠蓑

紫薇仙署擅風流
還向江鄉憶舊遊
茅舍玉堂都不繫
知君心迹似虛舟
生計惟須二頃餘
度阡越陌好相於
披圖真羨爲農樂
生怕塵中歷鹿車

送吳猷芍南歸四首

鞭絲帽影去凌兢
執手河橋意不勝
誰道長安求舉客
浮蹤直似打包僧

吟格看同楊大年
新詞妙麗壓金荃
不登除目渾閑事
已有江湖小集傳
小華竒峰六六餘
通明渡口好家居
磨丹漬墨編

摩處藥錄茶經種樹書

我亦還山發興新東華懊惱軟紅塵金韋能約同

來否北郭堪偕十友論君與金鍾越韋慎旃相訓和子亦與同調六人結社

於吳門合刻其詩名七子詩選

謝崑城編修寓憫忠寺旁憶予昔寓寺內

常過此轉盼八年矣偶成一詩奉簡

喜君儻宅靜無塵恰與招提作比鄰架上圖書聚

所好庭前竹柏得其真雪中鴻去曾留迹磨畔牛

疲又踏陳好補衲頭修屐子殘碑同訪采師倫

響盞謠市上賣冰漿以盞相擊作聲

響盞響盞爾何為冰漿淺屑紅玫瑰九衢侵曉市

門閉土銼一燈紅穗細火雲徐起赤日高盞聲賣

徧喧兒曹長安熟客疲往返得此一劑清涼散飲

罷揮汗衝颼塵驅車仍踏侯家門吁嗟頃刻清涼

亦何益熟客之熱救不得

採煤歎

小車軋軋黃塵下云是西山採煤者天寒日暮採

不休面目黧黑泥沒踝南人用薪勞擔肩北人用

煤煤更難長安城中幾萬戶朱門金盤酒肉腐吁

嗟誰憐採煤苦

縫窮婦人怨

縫窮婦人走路旁提攜黃口來殊鄉為客補綴十
指忙得錢不足一日糧東家女兒時世妝可憐傳
粉復熏香鍼綫不拈衣滿箱

練和雜詠六十首 并序

嘉定之為縣本宋崑山東境練和市寧宗嘉定
間析置縣即以紀年名之予家先世居崑山先
大父卓人先生移居嘉定甲戌春日京邸無事
偶懷故鄉景物攬撫舊聞作絕句六十章其中
援引多邑志所未載後之采風者或有取焉

三江煙水接溟濛最好東吳更向東荷葉菱絲秋

瑟瑟放船恰趁鯉魚風王新城送侯大年歸嘉定詩送客三江去東吳更向

東潮添瓜蔓水秋老鯉魚風

縱無山水類窮鄉亦有煙波竹樹光記取金風亭

長句四先生里讀書莊明邑令萬任城上遠眺詩無山無水類窮鄉竹樹參

差覆女牆朱錫鬯題侯大年鳳阿山房詩四先生里讀書莊鬯也經營興不忘金風亭長錫鬯自號

法華古寺塔鈴催瑞竹軒窓面面開陌上女郎連

袂出即山亭子探春來法華寺宋開禧間建瑞竹軒元大德間建在集仙宮

內城隍廟後園邑中

紺宇岩堯一水湄畫長幡影石壇移使君入夢耽

松菊早辦兵來夜遁時常楙臨邛人宋淳祐進士知嘉定事有集仙宮偶憩

詩云松菊年來入夢頻公餘乘興此尋真後為參知政事元兵至臨安遁去雖在嘉定有惠政不足

道也

白頭林叟淚潜然雨雨風風送客船一枕豆花蟲

響處可憐也是宋山川林景熙練川道中次胡汲古韻詩一枕江湖夢五更

風雨舟水寒荷葉老蠱響豆花秋景熙宋之遺老常與唐珣收高孝陵骨葬於蘭亭

東吳粳稻轉雲帆劇賊居然萬戶銜今日荒江存

敗舫任他漁父捉螺蛸宋季海盜朱清張瑄備知海道曲折伯顏平宋二人

遂言海運可通造平底船六十艘運糧四萬六千餘石由海道入京立都漕運萬戶府二人掌之瑄

嘉定七都人也

荒城僻陋海東頭曾屬張王割據州回首可憐黃

菜葉西風事業一齊休輟耕錄至正十六年正月張士誠據平江路崑山嘉

定崇明州人相繼降

野奴涇水沒苔磯清鏡迴塘映夕暉猶有老人學

農隱稻花香裏掩柴扉野奴涇清鏡塘水名高啓有練祁老人農隱歌為邑

人朱樵作元陳達觀練川夜泊詩黃蘆葉響雙谿雨白稻花香兩岸田

鴨綠粼粼漾細煙鷓鴣鷓滿平川雪篷釣侶浮

家去好把圖書載一船宋王斗祥練川歌吳松江上流來水鴨綠粼粼漾清

泚夜來雨漲三尺深鷓鴣鷓爭浮沉雪篷元流寓張天永自號張率為作雪篷子歌有雞犬圖書

共一船句

强家池館浦家堂水檻風亭一半荒寂寞尋秋何處好漫憐黃菊有寒香

嘉樹堂强珎故宅楊維禎記野芳堂浦氏別業貫雲石記宋邑人孫載重九詩未有金貂來換酒可憐黃菊為誰香

酸齋松雪筆踪妍虞揭柯牟也並鐫誰向叢祠訪

金石中吳更續舊聞傳

大德寺貫雲石記圓通寺趙孟頫記萬安寺虞集記三教堂揭溪斯記三皇廟柯九思記明倫堂牟巖記中吳紀聞邑人龔明之撰

汀花岸草拂漁蓑處處春城盪槩過聞說石孩曾

盜酒至今橋畔醉人多

宋開禧間孩兒橋北徐公釀酒屢耗疑之一夕露坐見小兒數輩踵而逐之至橋忽滅始悟橋欄所塚石孩為祟鑿斷其趾怪遂息元楊維禎有詩

滙龍潭裏泊輕橈一簣平岡影動搖弱柳縈橋煙

漠漠春濤罨岸雨瀟瀟

滙龍潭在縣學前積水數潭如鏡碧參差一頃中峙土山婁子柔詩澄一平岡影倒垂

落盡蓮衣柏葉丹今盡啣啣訴輕寒愛他小竹山

人筆滿幅秋容寫蓼灘

明邑人王翹號小竹山人工畫草蟲見明詩綜及居

二黃香火影堂供一徑西林碧蘚重可惜古松空

翠畔不移此地看成龍

二黃先生祠祀陶菴偉恭兄弟中懸畫像西林菴二

竹作筵籬石作垣拱星橋畔有閑園半天高柳晴

飛絮一碧清溪直到門

拱星橋宋嘉定十二年建橋西子所居

窮魚欲上雨初晴好向南鄰北舍行盼取新涇夜

航到數錢換得靴鞋輕元謝應芳嘉定道中詩黍熟湖田花鴨飛雨香秋浦

窮魚肥新涇在城東三里民皆織草屨為業朱文盜贈顧生詩已分為農畢此生每思黃草靴輕

夜航一兩煩君寄好向南鄰北舍行

海水搖空綠浪開朦朧花鼓午潮來尋常火伴空

驚避錯認番船金甲回元殷弼望海詩白柁紅旗三月浪紫簫花鼓午潮風

輟耕錄嘉定州大場沈氏因下番買賣致巨富一日自番中還先報家信有云番船今到何處發金

甲先回金甲者確坊甲頭也後因逐一幹僕僕出此書首告以為玉印未到金甲先回沈厚賂官府

理得申

草屋三間近水湄整襟據案一村師兒童幾輩開

秋學正好涼生積雨時鄉塾每以七月開館至冬則散謂之秋學元鄧文源

送俞觀光赴大場義塾師詩稻梁秋足飛鴻外燈火涼生積雨時

輕舟舴艋獨沿洄麥浪初翻蠶豆開少婦青裙蘭

葉鬢無心刺繡織麻來大場農家婦初未讀書臨沒忽向夫索筆硯題云當

年二八到君家刺繡無心只績麻今日對君無別語免教兒女衣蘆花

西風策策碧波明菰雨蘆煙兩岸平暮汐過時漁

火暗沙邊覓得小娘蛭宋吳惟信江灣秋日詩離離殘日水煙昏策策西風

捲白雲元王逢簡夏嘉定詩暮汐蛭開甲秋原米放棉俗呼蛭為小娘蛭

秋河絡角月如弓茅屋疎林遠火紅叫斷鬼車驚

客夢進窠有雨出窠風鬼車鳥名向南啼為進窠向北啼為出窠諺云出窠

風進窠雨

柳陰濃帶夕曛林塘詰曲水泔泔移船楊九娘

祠宿葵扇輕揮豹脚蚊九娘孝女為蚊齧死

樹影煙光鏡裏涵魚苗如蟻水揉藍數聲晚唱斜

陽外何處晴波漾菊潭吳惟信江灣即事詩幾簇人家煙水外數聲漁唱夕

陽邊惟信有菊潭詩集

略約前溪雜吠厖白沙錦石照蓬牕木棉花外西

風緊時有竹雞啼一雙邑產木棉亦出竹雞

玉帳雲屯安在哉飄零大樹亦堪哀軍持掘得荒

原裏沽取村醪酌一杯金兀末渡江韓蘄王以二師邀其歸道一師駐江灣

土人往往掘得古瓶云是軍中酒器

片石蕭然臥水涯何當敲火任童兒摩挲未忍匆

匆去曾建當年五丈旗蘄王建旗石今在江灣

小小溪橋淡晚煙彎彎竹徑俯清川提壺共賽春

前社捕蟹時撐屋後船

枯骨專車歷劫沉海桑幾度歲華侵祇今一帆秋

江路惟有蒼蒼蒲稗深元元貞間民家鑿井得龍骨楊維禎詩黃岡之土鑿

層層枯骨專車幾劫崩龔璠嘉定州道中詩客夢孤雲散漁翁一帆收人行江路晚花繞槿籬秋

捍海塘邊碧四圍蒼茫暮色散煙霏登樓試瞰吳

淞月萬頃沙明一鷺飛晉咸和間吳國內史虞潭築捍海塘元倪瓚送張德

常同知嘉定詩城樓近瞰吳淞月
堠館微霑滄海雲見清閣閣集

去去沙岡又外岡
槿花籬落自斜陽
樹頭幾點疎

疎雨便惹秋風作意涼
沙岡外岡俱在城西宋游
君傳沙岡待潮詩數點弄

秋疎雨過槿花
籬落帶斜陽

繡鴨衝波飛復還
夕陽溝水響潺潺
棹聲煙裏唱

歌去行盡黃姑十八灣
黃姑塘有十八灣

瑤牕蕙帳掩蒼苔
翠羽明珠徐步回
說與鄉園小

兒女年年乞巧廟中來
織女廟在黃姑塘

楊公墓前鴨腳黃
鹽鐵港上西風涼
滿江柔櫓一

時發晚飯柁樓菰米香
宋兩淮安撫使忠惠侯楊
滋墓在外岡西上有古銀

杏一株鹽鐵塘相傳
漢吳王漚運鹽鐵處

婁江風急晝冥冥
一片蘆碕接葦汀
笠澤沙湖千

尺浪飛濤直下海門青

安亭村逕傍清渠
顧浦空塘竹樹疎
獵獵朔風寒

水上無人知是震川居
安亭在城西南二十四里
顧浦在安亭南有歸震川

故居震川別安亭諸友詩
悠悠寒水上獵獵朔風吹

春申古渡夕陽多
低蓋烏篷曬綠蓑
笑指妻兒閑

結網自吹長笛送滄波
黃渡相傳春申君渡處明
袁凱重過黃渡有感詩馬

家宅畔無喬木徐氏門前芳草多留得白頭漁父
在年年長笛送滄波馬徐二姓蓋是時巨族也

吳淞江頭白鶴村
侍郎橋畔昇仙墩
仙翁已去無

西東女不和
人問斷壟荒畦月一痕白鶴村唐王可交過仙處

墩對侍郎橋

青龍江上柳千絲曲曲樵風引棹遲卻憶天台黃

月屋蒼松翠竹此題詩元黃庚青龍江館舍詩幽棲俗事不相關家在青松

翠竹間庚天台人有月屋漫稿

震澤西連寶帶橋吳淞東去碧迢迢津亭日暮風

和雨半是江聲半海潮

江上閑來理釣綸柳塘荷港水鱗鱗夜深潑刺跳

魚響衝破一方青白蘋元貢師泰吳淞漫興詩披衣獨坐過夜半船尾跳魚

時一鳴見玩齋集

滬瀆遺墟滿綠蕪東吳內史漫捐軀不知陵谷銷

沉後還有沙中折戟無袁山松為吳郡太守孫恩作亂山松築滬瀆壘緣海

備恩恩寇滬瀆害山松事見晉書袁瓌孫恩二傳今滬瀆在城南四十里臨吳淞江

黃屋東門事可悲獨留遺廟飀靈旗村巫教就神

絃曲猶唱媯雌舊日詞紀信廟在吳淞江上王彛有神絃曲彛字常宗邑人

自號媯雌子高啓為作媯雌子歌

望仙橋畔盡漁家豆架瓜棚傍水斜幾隻小船楊

柳岸腥風一剪漉魚蝦望仙橋在城西十八里

古檜蒼松倚夕陽花宮突兀自蕭梁憑留拳石經

幢在嵌向雲深舊曲房南翔寺天監間建元蘇大年詩行人欲問前朝寺古

檜蒼松滿夕陽見翟校練音宋僧居簡詩風裊經幢石蓮開品觀花見北礪集元顧瑛詩此生自是逃禪者著我雲深第一房見玉山璞稿

檀園遺址剥苔斑疎柳歸鴉一抹山還似當時寒

食路紅輕絳淺畫圖間

檀園李長蘅別業錢牧翁題長蘅畫詩橘花寒食橫

塘路絳淺紅輕蕩槩遲見有學集

一村吉貝一村秧十里沙灘十里岡指點城闈看

漸近松扉兩扇認留光

留光寺舊名顯慶在南門外元僧善住詩樣棹逢精

舍松扉晝不局

小婁塘接大婁塘獨速衣輕上野航綠樹連村花

兩岸船頭已入水雲鄉

程孟陽有晚發小婁塘婁塘夜泛詩婁子柔詩種魚

塘上連村樹低水橋邊兩岸花

新春愛嚼米花甘聽鬧元宵興倍酣高點綵燈千

百盞年年此夕照田蠶

正月十四日以糯米投釜爆成花曰米花十五日

夜擊鑼鼓曰鬧元宵以高炬照田中曰照田蠶

麥蠶簇簇滿筐盛麥飯攜來餉耦耕齊戴薺花新

樣好春光遮莫近清明

取未熟麥生食曰麥蠶三月三日男女皆戴薺花

唼啖金魚泛綠漪盆花深院影離披玉人雲鬢堆

鴉處斜插朱松齡一枝

邑產金魚盆樹可供清玩明邑人朱松齡以竹刻筆

筒香筒酒杯簪釵等物今女子首飾有名朱松齡者

塗妝縮髻鬪風姿串客新來拜教師麤細十番聽

更好便應狂殺冶遊兒

梨園子弟為串客有樂器無人聲為打十番

糖霜沁齒冷于冰消渴清泉淪細藤還待深秋鄉

味足飮盤軟嚼載毛鷹

掘栝萋根磨作粉加糖及蒲荷蒸食名玉露霜金銀

藤花可代茗飲載毛鷹芒種時至入秋食載毛則肥

促織鷓鴣各逞雄吳儂雜戲效兒童千錢攜到開

場鬪共展矍毬斗室中

秋冬間競以促織鷓鴣為鬪

渺渺遙空雁一繩離離秋野稻交媵移舟月黑空

林外時見深村織婦燈

一九二九征雁飛三九清霜秋葉稀四九夜眠如

露宿催裁藥布製寒衣

冬至後每九日為一九以九九識寒暄之節諺有云

一九二九行人不出手三九二十七樹頭吹

感葉四九三十六夜眠如露宿邑出藥斑布

築得新場似削平閑拋碌碡閉柴荆地爐楮枲騰

騰煖好聽連村打稻聲

糟牀一夜滴新筍注向瓷罌爛醉休村酒休嫌十

酒名

月白衝寒勝似鷓鴣裘

膠牙一牒雜錫飭守歲團圍聽曙雞燒罷粃盆添

爛煮黃羊鮮一牒膠牙膩

更圓見斲苓餘稿除夕然火

旺相家家春帖換新題

爛煮黃羊鮮一牒膠牙膩

江村煙景足盤桓兩岸無山野色寬相約比鄰老

兄弟風闌雪艇下漁竿

西莊台存稿

西莊始存稿卷七

西莊始存稿卷八

古今詩 簪花集

及第紀

恩六首

金碧觚稜曉色明
 千官劔佩會蓬瀛
 螭蚿縹緲爐煙細
 鳳管參差法曲鳴
 仰首乍瞻紅日近
 出班還傍玉階行
 殿頭靜聽鴻臚唱
 記取雷轟第二聲
 三百青袍散玉鑿
 傳呼徐下紫宸端
 頰來錦段初開筭
 簪得宮花試整冠
 鹵簿兩行排翠仗
 笙歌十部擁金鞍
 誰家楊柳高樓外
 爭捲珠簾夾道看

京尹趨陪禮數虔迎來大府特開筵三漿親為傳
 杯斝九奏仍聽沸管絃上苑沙平齊簇騎天街花
 滿穩垂鞭自嗟騎省蹉跎甚慘綠衣郎豈少年
 潘何爭說鳳麟洲淡墨書名在上頭雁塔纔懸金
 殿榜曲江更放月燈毬御厨絡繹珍頻送法酒更
 番醉未休肯把紅箋傳北里但欣剪燭話同遊與子
錢曉徵同寓椿樹榭衞家琴德寓亦相近二
君與子俱捷是夕三人會宿談至夜分始罷
 偶攜書卷謁都門襍被蕭條夢未温不識公卿親
 謁
 帝久安漁釣忽承

恩傳家清白由來重報 國文章詎易論自顧散

材霑 異數敢將微尚戀 工樊

江湖席帽記飄零 駢黻春衫草色青 此日

聖慈叨拔擢 頻年客路苦伶俜 艱難真愧營三釜

蹇劣寧忘守 一經况有故人同 少賤紙牕冷照讀

書螢 謂凌祖錫吳企晉趙升
之張策時曹來殷諸子

三日

賜宴禮部

雅集慈恩罷重教 宴禮曹雲韶朱鷺合錦幕翠虬
 高列席花盈帽歸鞍柳染袍 風光雖入夏春色在

仙桃

五日

賜白金八十兩內紵表裏各一端

旭日曛曩湛露晞聽傳

天語出彤闈精鏐分得朱提品文綺裁來織女機
每歎風人譏不稼最憐幽室賦無衣平生雅志輕
溫飽矢報寧忘一念微

石鼓歌

太學戟門有石鼓長廊大廈深藏絨手摩妙蹟剔
苔蘚細讀古調同雲咸岐陽一狩誇盛事遮羅雉

兔兼麀麇作歌紀績用傳後萬夫鑿石來巖巖魯
叟編詩偶不錄此豈有意相夷芟陳倉野外棄置
久剝落缺畫成攃攃其一作白幸復出氊包席裹
封瑤函宣和之年保和殿森陰菊鬱飄松杉十鼓
歸然珍襲好香厨冊府光芒銜自汴入燕竟無恙
守護秘怪神所監置諸兩塾始皇慶近光作賦詞
誦誦于今又閱四百載遺文尚未遭磨剗蛟龍攫
網怒鱗凸鸞鳳軒翥長毛多滄桑久歷彌可貴遠
比刀貝逾球璫宇文以下那辦此子卿妄語空譏
讒我生金石有奇癖嗜好頗覺殊酸鹹竭來京國

西華女不稱 卷八
三
睹此鼓不負萬里穿征衫試觀字體異蝌蚪乃知
內史言多僂我方欲辨壁書偽傳鈔禿筆勞秋冕

予撰尚書從朔辨
晚晉古文之謬

十五日授職紀

恩

黃紙除書下闔閭

恩深咫尺對

龍章名隨香案稱仙吏身近紅雲拱

玉皇散木已甘同櫟杜海鷗偶復入鷓行腐儒報

稱知無術惟有葵心仰太陽

西苑即事

銀虬傳箭散宮烏紫閣丹垣一徑紆細柳三眠環
檻合輕雲五色傍檐殊紅泉幽澗調竽瑟翠磴層
巒展畫圖自昔鈞天空入夢含香此日到蓬壺

洗象行

玉河激灑浮新水細柳微風塵不起隊隊黃門鼓
吹行迎來馴象天街裏垂鼻鱗困赤罽披高蹄偃
蹇雲旗指烏蠻雙帚何超急蹋浪緣流千丈雪洗
罷相將百戲呈嗚嗚時作銅鼓聲是物朝正奉清
宴祿支廩給頗不賤乘輿鹵簿駕輦過鐘鳴鞭響

排班徧貢處多從林邑南舞時曾說含元殿竭來
京國追遺風洗象年年此日同時平聊使飾文物
非貴異物誇愚蒙君不見職貢曾傳王會圖旅獒
有戒陳良謨

二十四日瀛洲亭同諸前輩校對進

御書即事恭賦二首

鳳樓東畔五雲間碧瓦朱櫺日月閑藻荇參差大
圓鏡鯨魚游泳小鼈山鳴珂許逐蓬池侶橐筆欣
聯玉筍班祇愧迂疎儒術淺西崑讐勘恐難嫻
吏人拂拭翠函開七錄華林手捧來案上丹黃勤

檢點行間帝虎費疑猜西山清闕窺

天冊丙夜披吟仰

睿裁卻憶寒牕十年事一燈如豆撥爐灰

題歙縣教諭金君畫像四首

詩人鍾越之父也

黃海竒峰六六排百弓十笏敞高齋休嫌壅甕羶
條冷臥起看山大是佳

桐樹垂陰蕉坼房芙蓉翠蓋滿池塘科頭據石此
宴坐日日著書仰屋梁

從遊弟子舁輿便好事還來乞酒錢我亦春風思
問字他時潛口放吳船

正始餘音調獨彈趨庭才子奉清歡試看篋裏涪
州句家法分明似伐檀

題穀原五兄龍湫宴坐圖

穀原觀龍湫爲圖記宴坐我披茲圖惟有擁褐仰
面依團蒲不見飛流眼前墮此中大意自無著一
笑相看口先哆我聞閻浮提本大海漚雁山東南
突嵬礪得非夸娥偶然作狡獪割取蓬萊左股青
一朶驚湍萬仞天上落散入空潭澄碧沲應真從
西來白茅結屋青銅鎖後有禪月師豎拂拈椎洗
塵堞當知聞根已斷喧寂一不在多言自纏裹君

昔麻源送輕舸深入巖扉開豁間跣趺看盡銀虹
垂平生愛竒願終果我今久得安心訣欲汲軍持
撥芋火忘歸亭邊石頭滑竹杖芒屨計猶左謁來
暫寄人海裏日日關門北牕卧忽然夢向芙蓉峰
樹杪紅泉白石瑤魂清骨冷心地涼那管九衢六
月車炙輮龍湫不畫君自足不到龍湫我亦可

上

陵篇

并序

臣聞聖人之德無以加於孝我

皇上法

祖德成孝治爰矢追遠之誠於乾隆八年祇謁
三陵肇稱殷禮越茲十有二載春秋霜露之思靡
日不往來于

聖懷乃以甲戌仲夏再奉

皇太后幸留都修祀事禮成廻

蹕推

恩行慶率土欣躍謹案魏文帝黃初三年詔曰古
不墓祭唐韓愈豐陵行亦曰墓藏廟祭不可亂
然泰誓武王上祭于畢馬融曰畢文王墓地名
又孔子卒葬魯城北泗上魯世世相傳以歲時

奉祠孔子冢又漢成陽靈臺碑云慶都仙沒蓋
葬於茲名曰靈臺上立黃屋堯所奉祠墓祭之
禮見于載籍者班班可考如此然則謂古無此
禮者妄也司馬彪續漢書曰西都舊有上陵東
都嘗以正月上丁祀南郊北郊明堂高廟世祖
廟畢以次上陵大官上食太常樂奏食舉古今
樂錄云章帝元和中宗廟食舉六曲加重來
上陵二曲爲上陵食舉蔡邕以爲聖孝用心周
密禮繁而不可省是也臣草澤鄙儒蒙

恩拔置詞館茲當大禮重新謹撰上陵一篇凡一

百有四十韻拜手稽首以獻

惟天眷

祖起自東惟

聖法

祖承天衷於赫盛京王氣鍾長白之山擬岱嵩香
爐巉削齊崆峒十方二臺各穹窿我我仙掌排空
濛遙矗千朶青芙蓉納鶯江色澄沖融松花木葉
流奔滾灣環幾派來溶溶晴波疊縠磨青銅扶輿
靈秀閎鬱葱天迺東顧開時雍天妹朱果留靈蹤
貫昴呈象膺天寵義旗一奮驅霾霧自陞纜升翦
三朶牧野旣克啓岐豐永清大定誅姦兇蠻荒要
蔡陳球共巍然珠阜存遺弓祠官原廟春秋供上
陵大禮古所崇禮惟尊祖兼敬宗

聖祖三駕展繹彤

世宗代祀矢虔躬墓藏廟祭宜並庸繁而不省傳
蔡邕我

皇繩武六合同大闡

祖德揚

宗功綏猷布政惟一中闢門明目達四聰哲謀肅
又無蔽壅懋登上理追淳龐畢育動植逮昆蟲山

出器車澤銀甕翩翩鳴羽棲梧桐嶰谷截竹諧律
簫容臺講禮儀雖雖農人樂業齊耕耜邊境秋靖
銷煙烽昭陽之秋薦璧琮時逾一紀將事重不疏
不數祇益恭至仁大孝徹始終爰諏吉日期門從
華芝翠蓋垂雲虹金鈿瓊釵搖玲瓏千騎萬騎般
縱縱百僚劔珮鳴琤瑤清風洗塵雨灑凍列缺爲
衛鞭靈霽柳拂霓旌仙露震花迎星罕枝惺忪長
樂問膳瞻

慈容璇闈豫順多懽悰乍出古北望喜峰透迤塞
土緣蠓蝟熱河重郡環帷喙呼韓贊普屬國雄雕
裳椎結行歷蛩梯琛航賫車載寶于于受吏占東
風頭鶩筵開傾馬酏醉飽蹈舞思輸忠遂因蒐狩
歌車攻箕張翼布連輪輟戈鋌四列森矛種鳥驚
觸機獸值鋒烏號繁弱無虛控或搏雕虎追飛熊
或拉脫兔落輕鴻平原一發連五縱取狐于貉獻
于公揆文講武觀顛顛大庖詎爲矜肥充水圍更
命施眾綏造舟頃刻成方舡共釣潛鯉遮遊鯛言
收置罟掩畢置載舉望祀歆維崧貍沈度縣儀並
隆乃溯景員臻沛豐
永陵開運高龍從

肇祖以後四葉榮

福陵昭陵雙寶壙扶疎嘉樹蔭黃封迢遙隧道祥
光籠龍虎盤結氣和冲鬼神呵護雲蓊蓊饗堂紫
籩軒朱櫳蘭肴既羞鬱酒醲嘉粟用薦昭肅龔秬
秠糜芑并稵種氤氳上達孚昭融登降拜俯勞
聖躬一誠所徹靡怨恫謨韶迭奏鏗笙鏞鱗荀毛
簋懸維縱空桑琴瑟雲和鐘朱絃疏越聲颯颯
列祖降鑒咸忻懌

鳳輦遂幸清寧宮殿名崇政開曈曨雉扇縹緲爐
煙烘扶桑碧海朝暎紅大黼十日

恩波濃歡呼白叟兼黃童鳧趨雀躍魚唵喁葵傾
藿向披心胸更頒尺一調三農免役給復蠲秸穗
賜貧賑乏拯疲癯金雞下赦園扉空微瑕細垢新
磨礪錫類不匱普併蒙吳風解雨覃萬邦馨香胥
蠻已再通爰整七校迴

六龍發

駕盛夏迴初冬告成

太廟朝羣工大開明堂興辟廱泚莪菁菁棫樸芄
蔚生多士爲梁棟太和翔洽銷爭訟我

皇孝治孚園穹上追殷商服羌戎下媿成周貽芑

禮八埏九有歸陶鎔陋彼漢主開巴邛亦異唐家
祀九峻微臣謏劣同凡聾忝荷

恩數趨丹楓簪毫供奉勉隨衆何幸盛典還躬逢
泚筆作詩罄愚蒙聊比史克傳歌頌從茲億載寶
祚洪直與天地無終窮

自淨業湖移居南城橫街

琴書摒擋寄浮蹤遷轉真如廡下春三宿桑根寧
復戀一屨蝸殼便相容開門正對西山色隔巷還
傳古寺鐘近閩忠寺閑卻江湖釣魚手秋風回首憶吳
淞

除夕前一日同蔣秦樹梁元穎吳荀叔陳
寶所吳沁可集謝崑城齋二首

小徑升堂共笑譁凍雲薄雪罨檐牙攬袪人似投
林鳥過眼年驚赴壑蛇準備粃盆添旺相料量椒
酒作生涯相期犯卯休歸去一任鼕鼕漏鼓過

舊歲新春荏苒除時已立春餞除殘臘仗屠蘇從教猛
燭然雙炬恣看投驍盡百壺閑客正宜文字飲食
單不稱冷官厨席多異味當筵忽憶江鄉樂鰕菜忘歸

范蠡湖

上元觀燈恭和

御製韻六首

苑西煙景晚融融
錦幕華燈不受風
百歲老翁齊額手
時和

主聖又年豐

重重魚鑰盡開關
處處金鰲遠照山
元祐東京真不數
漢祠太一邈難攀

皓月初澄太液池
星橋綵仗簇金支
昇平時節舒長甚
况值良宵漏箭遲

祥光百道捧龍樓
煙火千家翠陌頭
玉燭調來長不夜
更欣

慈豫奉長秋

鈞天仙樂按雲璈
絳闕瑤臺雪海濤
最是侍臣歌既醉
雙擎霞琰注葡萄

六合爲家徧頌聲
呼韓入侍喜還驚
誰知絕域名王子
共覩端門寶樹榮

題裘孝廉梧亭聽雨圖

清陰百尺垂秋青
其下因樹爲之亭
簾衣晝脫空不扃
涼氣四面風寥泠
野碧一鏡連林垆
雁天漁夜孤夢醒
葦條亂颭菰蒲汀
纖纖浙浙纔皺萍
拉拉瑟瑟旋敲櫺
魚兒撇波波紋腥
鳧雛相趁徐梳

翎玉壺置春賞不停嗒然據槁宜細聽琤瑋相應
笙出鉞緩絲哀玉搖瓏玲絕勝炎天雨震霆高荷
大芋喧階庭此時吟魂入杳冥隱几得句傳幽馨
沙邊還宜添小舫撐去空濛看翠屏

高粱河

一道春流引玉泉青瑤滑笏影娟娟松陵笠澤分
明見只少橫塘放鴨船

二月六日

勤政殿引

見恭紀

通籍承嘉會齋心覲

聖君名方垂齒錄業乍謝耕耘靜聽傳宣至旋聯
鵷鷺羣朱旗隨苑度蓮漏隔花聞軒囿青山繞堯
階綠草紛鑿坡行踧躅朶殿望氤氳柳乍飄金線
波看漾縠紋宮爐浮小篆閣瓦護濃雲扁記

先皇筆

扁額 聖祖 仁皇帝 御書

屏書古聖文

御座 後屏 風一 御書 周書

無逸 篇 仁風存小物儉德自餘芬喜色

天顏動清班玉陛分

恩暉瞻北極瑞靄被南薰退食遲鳴珮歸鞍帶晚
曛年年蓬館裏散帙理香芸

西華女不稱 卷八
上巳前一日同唐八繡集海虞相公寓園
即席次韻

蓬池會飲及芳晨
綠野平泉別貯春
預借流觴修禊事
恰逢歸沐寄吟身
小桃映日開朱暈
弱柳搖波染翠顰
明日一番風信到
六街定有賣花人

婦病初起用前韻

小閣清齋禮玉晨
道家裝束送青春
玉堂茅舍皆愁緒
丈室天花著瘦身
夜月階前慵照影
東風鏡裏不消顰
何當葛鮑相攜去
徑作名山采藥人

自橫街移寓虎坊橋四首

容身處處好家居
又向橋西覓寄廬
休笑酸寒無長物
輕裝尚載五車書
茶爐藥臼列堂坳
欲葺東廂待架茅
卻似翻飛秋社燕
一年一度自營巢

丁香兩樹結柔枝
落盡緗桃綠葉垂
擁鼻微吟重回首
此來已自負花時
老鶴相隨別舊林
有時警露獨長吟
徘徊戀主庭階畔
不去非無江海心

西華外虎坊新居與同年紀吉士曉嵐宅祇隔一
李夢熊垣作詩贈之

孝穆新編得少瑜飛卿酬唱有唐夫卜鄰喜占東
西屋把袂看傳主客圖隔牖茶煙分細縷過牆樹
影借紛敷晚來清夢同聽處鐘梵聲聲自給孤

給孤寺

回首北平定準噶爾恭紀二十首

并序

臣聞邇安遠至盛烈聿彰奮武揆文大猷斯著
稽誕敷于虞代苗民誌即叙之休溲薄伐于殷
宗氏羌揚有截之績職方統乎司馬遠及要荒
和會列乎明堂並陳傑侏要以王者之無外悉
歸至誠之感神欽惟

皇上德邁黃羲恩覃覆載金樞永固本仁義爲漸
摩玉鏡交輝仰聲靈之赫濯爾畋爾宅兆民靡
不允懷來享來王方物于焉畢集迺準噶爾處
西海隅襲甌脫之餘風久稱屬國分幹難之別
部竊號裨王鼓螳臂以當車恃蟻封而作險我
皇祖聖祖仁皇帝敷奏其勇績懋犁庭我
皇考世宗憲皇帝通駿有聲恩垂解網維
先志尚資善繼而遺緒端賴克繩况值小醜之將
窮益信膚功之宜奏名王稽顙俱思革面而回
心侍子趨庭咸期去逆而效順于時欵五原塞

因之築三受降傾心者接踵來歸逖聽者延頸
遙企我

皇上睿謨獨運神算無方功以斷而乃成時以乘
而勿失用彰天討

親命元戎授韜略于臨軒總貔貅于上將營連鷺
鶴雲屯萬竈之煙隊結熊羆風靜千廬之柝矧
契苾何力久諳赤水之土風而阿耨光顏熟悉
河曲之形勢布堂堂之陣直抵臯蘭揚正正之
旗平臨碎葉銷陽關之烽燧收伊犁之版圖筐
篋爭迎壺漿夾道葵傾藿向共看脫劍投戈雀
躍鳧趨齊覩前歌後舞遂乃俘其巨憝殲厥兇
渠巴朗等面縛于前識鯨鯢之力殫達瓦齊係
累于後知鼯鼠之技窮狼生羆羆生羆彼雖實
繁有徒入虎穴得虎子我則除惡務盡七旬方
屈已收頡利于湟中一矢未煩早繫郵支于闕
下粵稽前史亦有武功槃木化流漢基丕振高
昌路闢唐業重光然或需以歲時甫能有濟又
且多其勞費僅克觀成從未有制勝
九重決策萬里料事宛同符契尅期無假著龜蓋
天地之德曰生而

聖人之師以律拯諸水火羣欽大勇之安民取彼
兇殘共服至仁之無敵從此竒肱重舌候月來
賓行看烏弋黃支占風受吏凡有血氣莫不尊
親臣志慕執殳才慙載筆敬成短什仰頌殊勲
敢比桓賚之章庶幾矇眊之誦云爾
盛德膺天眷鴻謨績

祖功車書鞮譯合聲教鎮蕃同雁磧看傳檄龍城
已挂弓

皇猷洵克廣薄海荷昭融

兩朝伸撻伐赫業有餘威苞蘖從三宥戈鋌佇再

揮神靈存石馬櫛沐溯金微此際思繩武彌瞻峻
烈巍

蠢爾潢池輩紛紛漫驛騷窮邊多赤子托命仰

天朝總爲飢溺切無辭襁負遙

皇仁原一視忍使沸蟾蜍

廟略先幾決

乾符廣運周遐荒歸聚米帷幄妙持籌一郭無勞
控三垂迴自收

宸衷開獨斷燭照定渠搜

葉護久來附休屠亦拜趨輸忱咸額手效命各歡

呼

錫讌三漿備封茅五色殊感

恩圖報稱努力作前驅

詔發三河士風雲指顧間牙璋馳瀚海鐵騎向天

山細柳威容壯臨淮號令閑

王師纔出塞早見懾羣頑

牧豎何嘗避耕農亦不移羣思霑雨露喜得睹旌

旗鴻雁招徠日瘡痍蘇息時望雲欣共慰真見萬

邦綏

束馬渡伊犁三軍氣吐霓建翎謀不測破竹勢無

稽化被河源外威行雪嶺西神人交助順不戰息

征輦

逋寇潛踪久于今自莫逃翕侯奸盡露任滿詐徒

勞狡兔空求窟游魚已失濤

聖朝持國法絕漠肅秋毫

勅勒纔通道丁零罷控弦竒功三捷奏秘算七擒

連天靜榆關月風清柳塞煙材官頻送喜行唱凱

歌旋

先業丕承重貽謀式廓增瑤樽陳

寢殿桂俎奉

橋陵永卜黃圖鞏忻瞻紫微澄回看
珠阜路長見五雲凝

慶溢

慈寧喜璇宮色笑溫錦函新奏

御玉冊重升

尊共荷安貞吉胥蒙錫類恩堯封今益遠純嘏日
應繁

丹鳳銜書下金雞放赦初扶攜兼老稚蹈舞集簪
裾航賚來重譯梯琛自拂廬幸逢醲化協渙號及
康居

曙色彤庭啓虎臣獻馘來藁街昭憲典城旦荷矜
哀魚海波長靜龍堆霧已開更教飛騎出掃穴縛
渠魁

元兇相繼獲共快遠人心赤谷昆彌躡金牙賀魯
擒陳俘儀並舉執訊衆咸欽會待鐫金石穹碑峙
碧岑

朝來馳露布恰值雨滂沱天示洗兵兆人欣布澤
多戎亭齊徹堠武庫待韜戈應誌屢豐瑞膏流隴
上禾

曲宴仙闈煖琅璈廣樂陳需雲歡乍泮巽日命重

申賚比彤弓渥勳垂圭瓚新南宮有圖畫諸將拜
恩頻

文軌今無外番氓盡一家屯田歸督護置驛接流
沙戍已軍麾壯東西尉候遐寧同漢廷陋空逐李
輕車

海西歸版籍記里辨郵程特遣量黃道從教測玉
衡舍生皆樂利率土徧平成卻笑圖經狹徒傳九
域名

一怒文聲播兩階舜道昌鷓班同輯瑞
黼座肅垂裳保泰加乾惕宣猷戒怠荒萬年恢寶

祚旭日麗扶桑

討源書屋侍直恭紀

玉泉山色翠周遭裂帛湖流綠半篙望裏雲霞三
素繞行來臺殿九成高煙凝雉扇浮香縷日映龍
旗識羽旄共睹

臨軒猶盱食侍臣應念

聖躬勞

送吳尊彝前輩省親歸錫山

九陌何人念倚廬今朝立馬攬君祛
恩方濃日思歸養齒未衰時賦遂初直爲諸生諭

西莊好存稿 卷八 三
忠孝漫同賓客樂田廬五湖回首浮雲白愧我疎庸廁石渠

溪上對雨

繩牀棊几草閣中高秋爽氣開簾櫳涼風忽翻荷
葉背密雨亂颭蘆花叢唼波沙際有鴨母刷翅石
上來鳧翁今宵冰簟清不寐卻似松江停釣篷

初秋陶然亭同戴東原褚搢升許石雲戈
芥舟姚姬傳閑眺

落日低銜飛鳥還空亭縱步有躋攀人來峭蒨青
蔥裏天入崢嶸蕭瑟間野水數灣疑斷路高城一
角不遮山東華塵土成何事插腳無如此地閑

錢稼軒先生見示所著詩集敬題長句

大河前橫月入懷海風碧雲空際排芙蓉初日照
淶水一奩霜鏡新磨指先生吟格誰比似後身金
粟青蓮皆壯遊屐齒徧吳越洞府深處窮梯階西
陵秦望繞翠厓耶溪剡口雲門闖仙人射的看不
足七里灘畔浮輕薄客星人去釣竿在西臺石古
松風埋偏提攜酒不借鞵綠蘿煙徑探幽佳高歌
濯足扣舷去青山獨往無人偕一朝致身霄漢上
夢躡白鳳升天街便持雲山韶濩曲重和大呂金

鐘諧鈞樞望重何歲裏綸扉歸沐開高齋兩條椽
燭照修史間出金石驅淫哇去年扈

蹕灤河涯玉鞭左右車連葦帷宮侍直賡韻捷以
笏起草手屢义歸來倒囊出磊落驪珠照眼驚吾
儕今讀斯編更快意如陳列鼎羅珍腴賤子耽詩
愧何遜幸荷沈范親模楷長安僦屋圓如蝸朝回
沽酒還典釵一燈風雨暖虛碧牛衣蝟縮然枯蘖
自嗟愁病負

聖代玉堂枉縛腰間緼邇來詩思日苦窘無異秋
井號寒蛙乃知才分迴相別羨公鸞鷲鳴難喑方

今

聖人致上理六合淳樸還羲媧要荒萬里徧寧靜
盡擒梟獍誅狼豺明春岱岳

親燔柴

鑾輿再見臨江淮作爲雅頌賴公在陋彼樂府侈
渥注青雲千載儻許附苔岑同異寧參差

懷吳門舊遊寄鄭于谷朱孔林蔣紹初章
光重諸子

生涯向日托長鑱此際條冰愧冷銜舊隱苦教牽
旅夢新

恩未忍脫朝衫虎山鶴澗東西塢練瀆胥塘遠近
帆只待粗酬身事了團蕉相約傍楓杉

雜題文倣畫卷四首

停雲館接紅欄里况對寒山水竹幽想像明牕濡
粉筆掃眉才子最風流

窠石參差戲蝶翻長紅小白鬪春妍東風淡染臙
脂好那數徐熙與艾宣

海月湘雲並崛竒鼠須鹿角太離披爭如公案憑
添取竹外橫斜只一枝

竺塢支硯草樹荒硯池水冷墨痕香百年斷楮猶

堪惜乞與騷人細論量

九月下旬忽患風疾伏枕書懷二首

無端淹臥劇清漳秋盡空驚節序忙桐樹根枯原
易折菘菘心苦自多傷妻愁屢勸停吟筆客到先
須問藥方漫說半人同鑿齒依然踪跡寄疎狂
跼蹐鑿井獨嗟咨自笑維摩瘦影宜乍覺心情皆
木石從教身德兩支離博山煙爇無眠夜屈戍風
搖獨坐時盼到春回蘇息後一枝筇竹鎮相隨

西莊始存稿卷八

西莊始存稿卷九

古今詩望思集

風疾小愈子女相繼痘殤悲慘之餘詩以
代哭一百韻

寒飈撼空階陰氣晝慄慄客子多苦懷伏枕滯風
疾三旬稍蘇醒負暄強盥櫛誰知天未悔併力再
降罰命薄禍必重稠疊遭痛割喪子人間有我今
慘尤別一旬失五兒冤憤難具說長女已十齡長
男齒亦八其次孿生女六歲狀如一最幼三歲男
扶牀索梨栗云何屈凜冬痘疹相繼發寓邸托羈

孤醫藥起倉猝問訊少鄰曲往還斷親暱百事責
病妻蓬首心力竭霜天月痕淡一燈耿如漆長男
暨長女兩兩並天沒是時惟孟冬月之十五日幼
男復繼逝越日惟十七十九至廿四二女又終畢
衾襦成造次紙錢吹窻率呼天天不聞仰屋但咄
咄憶昔長女生荒村方寄活我時貧無賴乞食離
蓬草旅寓西鹿城襤被劇蕭瑟歸來走踉蹌一笑
喜排闥名取陶公詩非男亦怡悅陶詩弱女雖非
男慰情良勝無
慰故名女無 憶昔長男生南宮正蹉跌訪友到茜涇衣
塵聊拭拂寒缸燦玉蟲似爲添丁設歸來果得雄
快如眼銳刮舉火驗啼聲包裹布裳裂腳跟如萍
浮呱呱不遑恤兩度洗兒時何曾我在室惟記二
女生歲暮罨風雪我將爲楚遊徘徊柅其轍數斗
盎有儲一束薪可藝旋復赴荆南離情愴嗚咽江
路萬里遙波濤驚蕩滴行行極夔巫鄉信杳莫達
寒閨刀尺勤補綻比鶉結儉歲迫催租那免饜糠
糝三年倦客歸四雛走跣跋去時憐渠小歸時已
繞膝牛衣有何好團圓尚難必屈指頻年中無幾
共飢渴明年惟癸酉長男頭角屹居然能從師書
聲朗鳴嘍我時賦近游歸輒相提挈瑟僴摘能了

之無悟來徹是秋我來京婦孕方彌月書報得幼
男客懷頓舒豁歷歷想前事一一可具述艱辛鞠
五兒十年顧復切貧家自乳哺荼苦真備閱奈何
天不仁一朝亡也忽兒亡皆以痘痘乎爾何物或
云是胎毒或云是血熱頗有衆良方先事能解脫
又聞種痘者此術盛吳越嗟我困奔走荆扉不能
閉無暇爲兒謀致兒竟凶折况乃北地居風土最
燥烈南人不能耐驟發勢難遏用藥又不慎誤延
醫下劣守視又不周誤用奴姦黠多緣人事乖豈
自天作孽輾轉屢尋思錯鑄六州鐵長男尤可念

岐嶷性聰哲尚記北來時去冬歲甲戌寒天驅就

塾衣短腳無鞵試檢案上書叢殘壓籤帙分明口

授初孟氏首篇末

九月十日
二日事

試看牆上字模糊賸遺

筆親題嗣章名擘窠勢豪濶

兒自題名今尚在
虎坊寓居壁上 敗

履與破襦零星互聯綴不忍重簡點簡點痛欲絕

噫嘻我早衰顧影空皮骨行年三十四鏡裏見華

髮近復邁多病嬾姍類痿蹙驥子詩能誦衮師秀

無匹庶幾慰窮愁舊業足貽厥鬼伯一何狠徑就

懷中奪彖于空舍中憤恨如有失返魂香不靈元

衣告無術眼枯淚不乾泣盡繼以血兒生極尪弱

囊空缺後木霜嚴未著綿暑酷或無葛見客羞蓬
頭垢膩聚蟣蟲有時炊煙停淒涼飼饌餽彼哉庸
福人滿眼蘭玉茁腐儒寒至此有兒乃長訣天道
本茫茫茲理誰能詰多謝故人意琴德來殷遠道寄來
札仙果生每遲佇待補其闕我非憂無兒有兒詎
終忽五雛矧並喪瞬息忍飄瞥宦情蟬翼薄嬾縛
腰下鞞及此更何歡行當就耕垡春蠶絲不盡蠟
淚灰未滅擲筆黯無言觀空漫逃佛

丙子元日

銀燭朝正向九天金門竊祿又三年心驚兩鬢凋

霜後淚盡諸雛去膝前負耒陌頭違素業揮毫池
畔愧才賢蕭條羅雀閑門閉坐對青青柏子然

伏讀

御製上元觀燈詩念及江南被水狀恭賦一律
銀花火樹慶芳辰

睿慮偏于鄙屋親盛世有災如樂歲

聖人一飯不忘民帶牛佩犢須安輯剜肉醫瘡實
苦辛今日龔黃誰有意早舒上策荅楓宸

寄楊介孺明府

逢人殊難工枉道固不愜忽抽手版去飄然理歸

艤顏公磊落人亦作求米帖公今二頃荒郊靡恐
難闔客居知己少舊遊已難躡為憶前度書沉吟
檢塵篋

哭九生十首

三年席帽鎮相隨曲几踈櫺跂脚時今日入門塵
撲地山禽來飲硯邊池

松棚暮捲尚攤書劇論常教一起予手把課文纔

幾日空堂浙浙總惟虛十二月中旬閏生文
正月廿一日生逝矣

臘底曾來詢爾病為言即起坐春風那知化去匆

匆甚白日從來不再中生患咯血除夕前二日相
見云不久可強起至南城

相訪

掌上珠成水上漚去冬哭腫一雙眸更將餘淚為

君灑天遣羈人不斷愁

世間嘔血不皆死爾獨奄然羅此遭為爾當頭下

解語大都好物不堅牢

故人不見已三年挑盡龕燈古佛前悲喜相兼終

夕話寺鐘街鼓不成眠生世父穆齋甲戌正月別
去今春來京訪之西苑僧

舍談及生沒
相對嗟惋

身是浮雲須變滅况于事業更浮雲紛紛蠻觸喧

爭者可惜斯言不共聞生臨終云我許多
事尚未作一件

優鉢空中現一花歸其真矣不須嗟安知爾不胡
盧笑我輩迷家未到家

竹爐瓦鼎火微明長記寒蟲共短檠回首荒齋殘
月白紙牕彷彿讀書聲

方磚中殿貓兒巷鐘鼓樓街國子堂他日傷心重
過此恒河小劫對斜陽

四地名皆生與子過從之地

寒食哭嗣章

忽忽經百五沉沉逾痛酸漸添雙眼暗轉覺一門
單語笑驕如昨詩書付更難城窪澆飯處慟絕怯

憑棺

時權厝城南下窪子

追念嗣章痛不能已復成絕句十六首

忽爾災生也太奇膝前無處覓驕兒細思禍福都
如此今日何曾昨日知

百年挂肚牽腸裏萬事傷心慘目中此恨綿綿無
日了綠章何術叫天公

洗兒時節客離家梗跡萍踪足歎嗟記得天吳縫
短褐一般醜面咒桃花

牛衣馬磨劇悲涼辛苦山妻鞠子忙此日撫棺枉
哭倒并無漲乳可流牀

兒生妻自乳癸酉生次兒亦自乳時因病兒斷乳久

矣相繼天殤尤可痛也

七略三蒼頗盡窺未從方伎問軒岐早知兒被庸

醫誤悔煞平生不學醫醫陳姓妄投股劑劑遂不可活

敝襖遺鞵壁角頭看來無語淚先流重三下九嬉

遊處泉路伶仃尚憶不

名牽利逐走如梭八載匆匆一刹那漫說佳兒似

文度算來置膝也無多兒生于戊辰七月十七卒于乙亥十月十五日計八年

中子一入楚兩客吳門每與兒相聚旬日輒復出惟甲戌十月家口至京至兒卒之日團圓滿一載耳

秋風茅屋杜陵貧霸子長憐百結身赤腳蓬頭猶不保瑤環瑜珥彼何人

問字呼來走欲顛餅中瀉水誦連篇元文每歎童

鳥去兒比童鳥促一年楊子云育而不苗者我家之童鳥乎九齡而與我元

文今兒止八歲故云

去歲殘冬婦病中兒飢索飯叫門東今朝屏當銅

盤在更有何人一飽同去冬妻患乳癰臥牀三月家止二婢亦不中使令兒

日高尚未飯也

凶宅人言是畏途移家作計太迂愚營巢性本如

鳩拙只痛巢傾失我雛虎坊橋屋相傳大凶不可居予不知而遽遷兒果卒

于此

暫停旅櫬古城隈滿眼愁雲撥不開易水風煙薊

門樹此間何處望思臺

燈昏月轉淚縱橫驀地牽衣繞膝行落葉打牕殘

夢覺耳邊猶喚阿爺聲

巫峽當初寄客裝哀猿中夜聽霑裳而今身作哀

猿嘯未到三聲已斷腸

辛未冬于夷陵峽口聞猿同行戴綸長云此失子猿

也聲

墮地惟嘗病死苦浮雲忽散影形神向來未奉瞿

曇法今日方明露電因

三千驛路望家園幼小孤單怯旅魂送汝運租船

上去扶攜弟妹與温存

謀從糧艘寄匱并幼男及三女匱回里

岳禮萬峰圖

羅浮七十二嵩少三十六誰能割地肺絕境移尺

幅石作荷葉皴樹如鴉點蹙我若縛茅蓬一峰心

已足

御園偶題呈周石帆座主朱東江前輩

紫閣流雲濕紅牆照水明山如仁者壽泉比聖之

清過馬中官去影紳學士行腐儒疎拙甚空復點

塵纓

三、校錄進

御書畢

西華如不稱
恩賜紵紗二端

三載銅龍著

賜衣今朝重幸被

恩暉磨鉛漬墨臣勞淺疊雪含風
主澤稀捧出先忘五月暑剪來新自九張機雙絨
急向親闈寄不羨回波乍換緋

蠅

明牕弄筆眼纔舒擾擾癡蠅不解渠偷食案頭殘
墨瀋撲綠翻自浣人書

同范左南朱竹君過教子衡衡平瑤海寓

齋

羨汝城西宅官居只似村巷深稍遠市樹綠恰當
門畫卷兼碁局茶香帶墨痕泥乾時走覓吟格欲

同論

自嘲

鉢袋隨身下版僧軒前輕後兩無能謀身真似信
天鳥入世翻疑好射墉堪笑窮魚思上竹最愁圓
芡要磨菱西山一桁長當戶蜷局何因策瘦藤

同徐用和劉階符朱寶香過松柏菴

園連官菜坊宣南城坳一曲留團菴斜陽忽露樹

金碧積水遠黏天蔚藍佛古生苔碎如錦僧眠補
衣僵似蠶相期欲果歲寒約掃地打鐘吾尚堪

題吳冠山前輩洗竹圖

竹體折疑笑竹色深似醉春叢洗更佳幽事農書
備先生白嶽居繞宅檀欒翠閑課畦丁刪蕭疎逗
涼吹浮筠冉冉香乾粉輕輕墜披襟對此君清興
得所寄直節兼虚心依稀見高致昔聞雲林翁洗
桐開清闕此趣將無同渺渺滄洲意

題就居齋壁

自從徙宅珠巢巷地僻遙連白紙坊門近豐宜甜

水足菴鄰松柏梵音長稍欣沈約郊居便終笑梁

童賃廡忙何日鷓鴣一枝就擬教題作卅勤堂

屋取昌黎句
署曰卅勤

哭僚婿姚大秀才二十六韻

及爾稱僚婿相於廿載親唐韓應得並李蔣許同

論唐光韓愈皆娶盧女
李漢蔣係皆愈婿一別俄長訣驚聞劇愴神

幻形原石火昨夢等飛塵記得傭書日曾充坦腹

賓楊行塘外樹鷺艫浦前春幾度舟同載尋常座

接茵謝庭聊遣日秦贅任長貧跣跣時相見詼嘲

總不嗔橫眠枕股慣倚醉拍肩頻熨眼年皆壯分

襟歲在辛三霜更楚葛萬里返吳津豹霧君猶養
龍姿我漸馴施蘿尋舊好采菑托新姻子女慰無許字君子
雞黍重邀迓江村共笑嘖卷波圍栲栳盤鱸簇茵
陳佛屋紅薇暖秧田紫草勻參覃歌緩緩結托走
跋跋上計成匏繫輕郵接錦鱗卅回看燕月兩番
憶湖蓴故國傳靈潦窮鄉邁險屯正悲珠去掌俄
聽笛催鄰客至忙相訊書來轉怕真襤衫仍白紵
華屋已青燐妖鳥占庚子凶蛇逮巳辰淒涼寡婦
賦聊欲擬安仁

試院雜述十六首

槐陰滿院棘牆連掃地安牀得自便回憶風簷曾

六度纔離席帽恰三年

初六日入闈居會經堂西廂子應鄉試四會試二甲

戊登第距今三年矣

萬里中秋月倍明廣場矮屋會羣英三條樺燭燒

殘後試聽春蠶食葉聲

書笈相將理白藤故人健筆競秋鷹笑儂此日了

公事翻似蕭閑退院僧

懷吳企晉趙損之張策時蘇顯之曹來殷家八干諸

子

宛轉青溪水上頭板橋疎柳記前遊綵豪掃罷侵

晨出貫酒題詩十四樓

丁卯同琴德寓秦淮舊事

聚奎堂迥靜無塵甲乙淄澠細討論列座分行盡

前輩賞音敢附九方歎分校十八人諸公皆先子通籍

掩冉虛檐燭燄青眼昏腕脫蹇教停主人危坐都

無語倦僕垂頭誤觸屏

東來積卷多如筍疊向空箱夾以籤不向眉梢辨

深淺但從味外別酸醎

市瓜何意只求肥賣菜堪嗤計亦非響卜漫誇婆

惜得樓頭紙落已如飛闌中以不得佳卷為恨

凌施好句苦而腴吳戴竒文格力殊不識平生李

方叔躍來能入網中無上海凌應曾錢塘施學廉山陽吳玉搢休寧戴震也

數葉飄殘積玉墀寒蟲唧唧近簾帷到來屈指二

旬過又是滿城風雨時

牽衣入夢黯神傷漏斷西風夜正長誰料西河去

年淚更來鎖院灑千行夢嗣

校閱閑來睡思加汲泉差勝古城窪撐腸文字吾

何有但愛松風聽煮茶院中有井差勝外城苦水

繫鞵瀑直太匆匆欲奉籃輿悵莫同卻喜秋牕陪

杖屨儘容一月坐春風會稽周學士石帆先生予鄉試座主向以內直不得

常晤今同分校

薄薄熏篝冷夕灰正愁瀉盡舊官醅索郎不是雲

卿餉鄉夢如何引得來

申拂珊少京兆送酒

萬柳堂前野水環高家園子菊花斑者回準策過

頭杖期爾同看幾朶山

去歲與梁山舟謝金圃約城東登高不果今訂出闡

續前約高氏藝菊近有名京師

欣聞拆號定來朝釵釧應持換濁醪只恨挽鬢無

穉子入門餘痛轉難消

放翁定拆號日喜而有作云挽鬢預想諸兒喜倒指

猶為五日留又拆號前一日作云穉子歡迎先入夢從兵結束待還家

謝陳向山前輩餉酒用東坡監試呈諸試

官韻

我生酒戶窄鼯鼠謝萬廩非以矜獨醒枯槁性所

稟校文廁羣彥衡鑑慙未稔眼昏兼吻渴水鹹斷

茗飲先生遣從事數輩分膏瀋陵州與涑水一一

有題品欣然引三蕉侑之以蘇荏爾雅蘇荏荏方言蘇亦荏也

苦辣猶勝甜自詫頗能審品酒者辣為上苦次之甜為下空腸芒

角出酣酣快逾甚深院棘遮牆秋苔碎如錦宵來

蟾蜍圓一痕暗牕礫微吟同蛩悲孤影類夔蹠倒

餅剩餘瀝尚足解寒凜玉泉此際佳霜落魚聚滄

棗林亂殷紅桑下脫殘榘何當拆號畢相從敷襟

衽扶筇提兩壺自址陟其睽吾家婁塘側黍熟農

人諗一斗亦易謀南烹妙調飪自從客居來頽落

西齋女不和 卷九 三
比瘦沈吟情日消縮鄉思攪夢寢先生詩酒豪造
化愁雕鏤載酒許問奇舌在那復噤作詩質先生
甕側且支枕

同邵舍人方虎集孫舍人中伯齋

莫厭打頭屋暗塵遮短牆座中無俗物酒畔是歡
場妙舞迴鸚鵡明燈障鳳凰潘家河上月扶醉踏
微霜

寄袁大令子才二首

弱齡登第壯歸田出處才名盡可傳今日江東歸
臥好陶通明後一神仙

北湖南埭盡蒿蓬煙雨長干六代空只有袁家園

不朽任人圖作小屏風

作音佐子才有
園林在白下

題慶孝廉璞齋詩卷即送之金陵六首

西抹東塗愧我勤得君喜張後來軍江南薊北佳
山水都被收將冰雪文

月華如水滿階墀枕大燈花照壁時欹枕不知蓮
漏盡鑪灰劃徧細論詩

從容商略見虛懷著實工夫莫打乖學宋學唐都

是假但須學我自自然佳

子昔遊武昌楚中名士畢
集一客問詩當學唐即學

宋即子曰皆不足學客大駭曰寃當誰學子徐
曰學我而已孝廉以詩法相質故舉此示之

霜花漸緊愴離魂醉帽吟鞭又白門借得君詩送
君去馬嘶落日入孤村

孝廉送別句

通路亭邊薄雪飛棗林淀北夕陽微家人遙在江
南望此去離鄉卻是歸

休耽官閣詠官梅紅杏園中待上才幾度廣寧門
外望春前臘後早些來

予癸酉冬入京客况牢落之甚甲戌家口

北來歲除婦臥病呻吟相對乙亥冬殤子

女五人三度除夕皆情緒甚惡今歲丙子

正月復得一女至是除夕初能啼笑憶亡

兒輩倍覺傷懷不禁淚泫泫下也

三年除夕客長安寒燭清樽慘不歡此日纔添一
稚女當筵愁對五辛盤牽船未卜張融宅捐珮思
辭虞寄官七十古稀今恰半那禁青鬢漸摧殘

自題西莊課耕圖

草屋十數椽高柳八九株門前打稻場瑩淨如鏡
鋪彎彎婁江水分向吳塘瀦架以獨木橋繞宅流
舒舒塘上乃我田方罫百畝餘西田在其旁奉常
之所居

王煙客先生

百年亭榭廢敗砌惟鼙鼙北望一

髮青煙嵐浮海虞蒼涼卅里內莽莽連疎蕪荒村

出炊煙斷港叢茭蘆居人業漚麻紡績助官租莊
昔婦翁有翁沒今歸吾此田極薄陋爲計良區區
地勢處窾下一雨通江湖縱復遇豐歲啼飢不能
無所賴勤力耕黽勉治沮洳飽飯未可希饘粥猶
枝梧假令并無此忍飢更何如我因略識字無力
把犁耨尚能戴筓笠指揮課傭奴生來作幸民擊
壤還歌衢自分終老此長伴畊田夫偶然隨計吏
一出乘柴車崢嶸阿閣開清班玷愚迂才劣識復
闇衆中空羈孤雀鼠偷太倉寧獨無愧乎矧乃賦
命薄膝前喪五雛心摧覺鬢凋淚盡見眼枯回首
舊柴門逝將賦歸與畫師頗解事點筆爲作圖莊
固未有名圖成意躊躇緬思王給事故宅松筠虛
多煩杜陵叟感憶成歌歛我今出處間事與古人
殊聊因在郭西斷章義取諸別莊今五載遠夢牽
菰蒲此圖當息壤有盟我不渝

題西莊先生課耕圖

莆田鄭王臣慎人

東吳才子瀛洲仙折簡招我開長筵酒闌示我
課耕卷卷中風景疑輞川自言婁東有舊業稻
田二頃吳塘邊老柳成行花匝地板橋野水流
涓涓微雨初晴近芒種黃粟留啼高樹顛斯時

謀奴事東作行吟隴畔心安便自從釋褐隸朝
 籍西莊長鎖松筠煙臥對畫圖空相憶清夢飛
 落衡門前先生經術世希有雲瑞早見當臚傳
 簪毫每書無逸句進講更誦幽風篇

聖明不次正登用入儲公輔出旬宣田園荒蕪豈
 足慮且付張望司耕墾嗟我無田食破硯年豐
 不給粥與饘代耕願乞升斗祿長安索米經歲
 年欲歸幾度歸未得披圖使我心茫然何時得
 遂為農樂扶犁叱犢耕春田

前題次梅村西田雜興韻四首

錢塘 梁同書 元頴

黑頭蕭散宦情稀苦憶吳塘白版扉半頃秫堪
 耕粟里一間屋好住王微門連曲岸平田近江
 接孤村亂水圍只恐故園歸未得滿犁春雨繡
 苔衣

流水縱橫塵土稀板橋一徑即林扉東屯西崦
 經行慣策額犁梢檢校微泥飲每逢田父社蹋
 歌長入野人圍羨他陌上陰陰柳正試風前白
 袷衣

憑君指點說依稀別墅幽莊恰對扉前後風流

二王在吾曹事業一鎌微尊鱸此日勞清夢桑
柘年來長舊圍寄語耕氓休忘卻綠蓑真欲換
朝衣

風景村塍別後稀六年我亦阻歸扉知田自古
人猶少識字當時計已微江水分明前約在草
堂孤負好山圍何緣畫裏從頭見笑向緇塵拂
素衣

前題

平湖陳朗太暉

溪邊春水鳴隴上春泥坼愛此笠澤畔寄我三
畝宅臥柳散如絲細草軟可藉岸側欲生雲橋
平不用石夫子靜者倫綠蓑感疇昔江南盛農
事連陰啼格磔侵曉課長年荷耒聚阡陌田家
多古歡歌聲起絡繹柔秧插幾稜白鷺飛一隻
浩渺鶴樂深依稀鹿柴夕吾廬近泖西百里煙
村隔他年負策從尚有山中廸

前題五首

蕪湖韋謙恒慎旃

細柳絲絲拂短隄秧鍼出水綠初齊就中合有
詩人在獨倚斜陽看蹋犁

曉樹初聞布穀啼農家月令夢先知社公雨過
新泥滑正是沿村浸種時

一髮家山望不違
陰陰桑柘護荆扉
鱸鄉漁舍何時到
寫出西莊抵暫歸
經訓菑畬日掩關
蟲魚箋注已全刪
定知進講趨
三殿無逸先陳稼
穡艱

也辦腰鎌寄此身
買山無策苦逡巡
綠蓑青箬非君事
二頃閑田合讓人

前題四首

廷諤 鶚起

宿霧全開卵色天
遙山平碧淡生煙
連村雨足新秧長
龍骨閑拋屋角田

心曠身閑不似官
軟紅塵土莫相干
畫圖省識吳塘路
栗里灑西一樣看

草堂軒爽對晴暉
片片閑雲度翠微
剝啄誰來問竒字
課耕朝出鎮忘歸

大筆淋漓海內知
幡然歸去問東菑
高文典冊編排畢
一卷惟尋汜勝之

喜吳荀叔至
萬人海裏兩浮萍
岐路分張已慣經
抖擻重辭細馬馱
招要深話矮牕櫺
泉通鯉淀東西白
雲起龍湫大小青
刺約老顛修禊事
好攜畫榼出郊坰

西華女不稱

癸未三月六日

恩命充丁丑科會試同考官

賜內紵表裏各一端恭紀十韻

北極彤雲曉南宮鐵網開新綸飛驛騎時大駕南巡江浙

絲雨壓輕埃是日辰刻雨

賜錦今三度甲戌登第乙亥校書皆嘗與賜至是凡三矣持衡又兩回

丙子八月充順天鄉試同考官翠緘遙捧至黃帕

敕宣纜百和香薰過千花蕊感來龍梭交熨貼鯨

尾掉瑤璫貢篚看題字題有乾隆十九年蘇州織造臣某進字宮花

配繡菱每人各分金花二朵青蓑想初服赤紱荷趨陪自愧

虛酬報空期拔草萊昔年辛苦地尺度漫量裁

試院用東坡煎茶韻呈錢坤一盧紹弓梁

元穎諸前輩

階前草芽細細生檐頭鴿雛穀穀鳴重來半年一

彈指依然煤炕氈簾輕南宮風月妙兼二誰會此

際憑闌意參苓入籠一味煎應從塵匣探龍泉况

值同文遍羌蜀大金川準噶爾相繼平定新令采詩期曼玉初改

第二場試五言不願宮中細腰偏忍飢不願城裏

半額誇長眉風流時世競妝束佳人空谷羞趨隨

此夜白袍門外齊立鵠相看忽憶十載燈寒時

西華台存高

贈鄭慎人

我交天下士獨未及七閩都亭一尊酒把手得鄭
君君本夾漈後淹洽該無垠四秩頭鬢蒼三舍身
名淪王城雖堪隱失職誰同羣驢有令僕才鬼善
抑揄人摧藏濩落餘還見意氣振招尋到委巷險
沫情何親密契步亦步妙論醇乎醇蹒跚著木屐
油素提攜頻戢香先正言編比如魚鱗君輯莆田風雅已刊
其我續伯恭書遺文半羅陳子方撰續宋文鑑倚賴多聞
子剩馥時見分迢迢九鯉山下有破籬門他時泝
軟灘燈火應堪鄰

恭和

御製自金山放船至焦山用東坡韻

仙人不愛大厦耽瓜牛廬結荒山南千年初地開
點點幾輩禪侶來三三試登絕頂一瞻眺西津北
顧皆眠蠶方知三山此雄長豈獨鼎峙能無慙衛
公柏倚欲落石華陽銘臨無底潭我
皇昔年攬竒勝山靈奉職呈春酣林嵐峰翠快登
陟朝鐘夕唄供元談六載花宮復停
蹕依然金碧圍苔龕弔古猶存狼石狼問禪還契
甘露甘江山從來雖擅絕不經

西在台存高

西莊始存稿 卷九 三
聖賞人未貪一自

天藻寵崖谷儕嵩敵華寧難堪從茲靈異標萬古
騷人競說松寥菴

皇昔年恭和

御製汲惠泉烹竹鑪歌韻

松陵茶具昔所聞十詠一一都籃分未聞茶鑪舍
陶冶翻與筐筥爲同羣智者創物出新意黃篋編
得清無塵桑苧見此定驚倒異事不必師前文高
僧性海方法妙舍人渲染留芳芬篁墩西涯各歌
詠留題往往皆宿陳四百年來遞更製好事愛此
同自尊遂使鐫竈盡可廢後來居上如積薪九龍
連綿龍角轟煙嵐滿鳴離囂紛我

皇莅止一披卷大文掃卻曩云云中冷已汲浮玉
嶺第一第二徐評論溪翁樵叟雖善品未若

睿鑒能長存只今泉石加疏鑿松濤竹籟交鮮新
仁智寓物不繫物揮毫聊復留墨珍我

皇方救萬姓暍區區陋爾煎茶人

恭和

御製鄧尉香雪海歌韻

鄧侯化去非故吾惟有山色長如初支峰別隴梅

西莊始存稿

卷九

三

萬樹以配雲海寧云誣錢家礪旁凍萼坼馬家嶺
上苔枝鋪西溪河渚那復數空濛更壓孤山孤我
皇昔遊未遍訪重臨二月韶光紆輕嵐幕歷開士
宅石徑窈窕樵人途繁蕤亂蕊照晴昊冰魂恍惚
羅浮趨催開羌笛宛轉裏欲落畫角昏黃餘海山
仙人冉冉出練裳縞袂凌波娛十洲縹緲瀉五湖
方壺圓嶠景不殊閭浮界中一漚現髣髴靈海潛
委輸白波偏擬山偃蹇雪海即是林扶疎山海互
易幻相別拈花妙義參如如方今
聖世波不揚永靜海若恬天吳永靜海若恬天吳

空山嚼蕊安潛夫

蕪湖人湯鵬鎔鐵作畫山水花木無不酷
肖梁山舟家有叢蘭一架屬賦

赤堇山破若耶涸寒光溶溶冶不躍崔徐董巨各
驚卻鍾筐巧忽移鳧削何人後出啟靈鑰鳩茲一
生妙摹拓有時衆皴堆垠堦三茅九華隨染掠興
來放手疊跗萼亂坼欄花抽砌藥我初聞之喜盤
礴忽見君家挂齋閣鐵汁鉤來墨花錯何異所翁
仲姬作洞庭潯陽芳杜若煙輕露重微波弱湘娥
愁春步綽約靈均欲下魂漠漠韋偃畫松勢揮霍

曾將屈鐵擬其略鐵耶筆耶此無著幻形互換忘
糟粕雲煙過眼多寂寞此畫傳之定不鑠楊梅斜
街古藤絡主人不出瘦如鶴幽蘭猗猗石鑿鑿廣
平之心花曰諾客來無愁浣餽既只防缸酒橫遭
攫

題吉渭崖練湖看荷圖

觀音山中玉乳濡曲阿城畔琉璃鋪湖光演漾四
十里花花葉葉翻芙蕖先生詩名不減吉中孚舊
日結茅湖上居門前萬頃淪漪舒謝中郎今已徂
此水停注終古仍不枯掠波小艇如野鳧筆牀茶
竈隨所如花爲四壁船爲廬江湖散人煙波釣徒
衣裁荷葉筒截荷跗竭來京華佩銀魚回首清夢
牽菰蒲練塘渺渺在何許白藤笈裏攜得一幅新
橫圖朝來過我索題句披圖約略重踟躕雲陽煙
水區幾度經過餘覆船峰綠如黛馬林溪滑如酥
只恨往來不遇六七月不見千株百柄紅雲敷薊
上景物雖與江鄉殊碧裳翠佩何處無玉泉甕山
淨業湖薰風剪剪飄霞裾我儕清暇日無事那不
挈榼還提壺子歌我和其可夫

同蔣遜儒李素伯盧京甫上至山重過陶

然亭

潦縮鳧翁去亭虛燕婢來壁尋前度墨履剔此時
苔老樹空腔拔遙山沒骨開夕曛知我意緩緩墮
城隈

同胡質餘梁調夫蕭崑田汪星巖方鱗伯
過憫忠寺

踏葉人迎淡日曛臂鷹手欲佛燈分松陰又轉三
叉路茵閣堪擇兩角雲塔失金鈴猶有字瓶空藥

玉幾時焚

寺有遼應歷六年尼薦福大師石幢稱
大師奄化茶毗造塔金鈴響亮云云又
有石函一方四面刻僧名及布施
物有云舍利五百粒在藥玉瓶內幽尋每到昏鐘

後冷伴相期張一軍

題霜林煙水圖送邵鴻箴編修南歸

勞生失本性豈獨違名山只此一水石邈如隔瀛
寰羨君歸裝輕葉舟通潞灣攜得三尺卷興在滄
洲間颺颺霜風緊漸見衆綠刪天公嫌秋淺染出
疎林斑幾株淡者黃幾株濃者殷蕭蕭寒流色琉
璃淨無瘢為愛滓穢除并絕鷺與鷗彷彿燕龍圖
點筆掩荆關江南如此景隨處堪登攀肯使六街
塵日日上鬢顏君今行入畫掉頭不可扳一帆五
湖東江楓轉灣環遙想林居人萬事如等閑

恭和

御製秋獮回

鑿九月二十三日請

皇太后安畢于圓明園大西門樓前習射

命哈薩克使臣列觀班末疊舊作韻四首

風行絕域令如山大宛來庭豹尾間遠使趨陪容

肅肅

皇威親示藝閑閑時巡乍返三驅隊視

膳初迴七校班最是歡聲雷動處降番齊仰鑊鑄

彎

版圖久已定燒當遙控河源一線黃試睹

天弧流激電那容遊蟻穴枯楊

阿睦爾撒納叛投哈薩克阿布賴欲

擒以獻為所覺復走鄂羅素

中和共訝符狸首迅速羣瞻飲練

光指日餘逋咸就獲好分飛鏃殫貪狼

流沙西極遍呼嵩舉柴重欣此會同萬里天遙歸

赤縣九秋霜勁試彤弓

恩周猶切鳩磬鴈

御製念及江南賑荒事

武赫還看碎畫熊

多少羌兒驚未見

聖人餘技亦神工

徐收金埒穩垂鞭蕃部追隨

百生台存高

卷九

庚

翠輦前允武允文原合德來王來享各瞻
天渥注遠陋歌名馬首荷無煩種大田聲教從今
真莫外五縱雅化邁周年

上得側理紙二形製奇古書一藏一作詩志之恭

和元韻

緝柳堪成編截蒲乃鋪几麥光爛無瑕藤角淨如
水誰拗新樣奇碧苔掣海底蔡侯退舍避子年援
筆紀

聖人性海寬墨波展餘技宵旰暇無多更灑十萬
紙兩幅入香厨

睿顧顏有喜圓呈獨繭形細蹙羅紋理旋轉任卷
舒循環無終始裁來霜色明揮就虹光起臣聞珊
瑚枝本出渤澥裏此紙幸被收亦如拔杞梓雙壁
自難分其一還藏匱微物慶所遭茂先焉敢擬

送曾謙益先生之官郴州二首

牛腰詩卷壓裝輕薊酒纔傾問去程千騎共看迎
父老雙旌豈爲厭承明畿南路指丁沽水湖外帆
飛亞字城欲奉藍輿期莫遂朔雲寒菊愴離情
憶從桐汭侍音徽十載萍踪隔絳帷燕市勝遊陪
未久洞庭遠道迹仍違送行易觸懷鄉感惜別多

因知已稀遙望山攢明鏡裏瀟湘流下總依依
經術追三古名家重七閩細旃時進講正色儼垂
紳北闕
恩逾渥南陔願竟伸從容全出處當代信無倫
少海資承弼西曹倚股肱引身雖聽許戀

主轉難勝跡頗同疏傳情還異季鷹望雲今克慰
不獨慕菰菱

疎柳短亭牽秋程返照偏潞沙催別舫楓嶺冷吟
鞭紅樹海雲外白蘋楚岸邊版輿多暇日點筆賦

歸田

綵服公心愜藍輿我意違沉吟感知已悵望想容
薇別浦荷衣老閑園藥甲肥扁舟何日就來欸故
山扉

題蔣升枚桃花溪水草堂圖

桃花塢裏桃花橋桃花溪水齊牛腰蔣生三徑恰
臨水草堂花木森周遭兩株老梧影橫碧一林新
筍頭如貓空齋但聞拓碑響四壁金薤琳琅交君
家嚴君妙行楷一時老輩相招邀我時抗顏登上
座酸寒意氣空麓豪少年淪落倦行旅塵土黯黹

欺青袍念生從遊意良苦寒牕席硯綿昏朝把杯
情話漏數下青燈涼月風蕭騷屈指溪旁住二載
別去遠道尤無聊三湘七澤走將遍歸來仍繫溪
邊舸登堂握手一歡笑舊雨又得王吳曹琴德企
晉來殷
子我時再客葑溪上桃溪相望仍非遙三日兩日
一相見有時留宿開疎寮玉爐銀葉散甲煎錦衾
碧綠青紅繚拍手語生生絕倒平生如此睡幾宵
昔辛敬之過元裕之裕之留飯敬之飽啖畢謂裕
之曰予生平如此飽不過數次耳余嘗宿升枚齋
臥具甚麗因援敬之語謂升枚曰予生平
如此美睡亦不多幾宵也升枚為大笑癸酉之
秋與生別郭門臨發自打包不才僥倖侍

帝側舊遊回首翻勞忉近聞桃花水無恙依然花
片飛春潮書來索我賦長句畫圖渲染形神超武
陵源頭萬樹在川原遠近紅霞飄玉山清闕本可
戀况我夙昔常消搖桃花潭水深千尺相思如水
深迢迢我生懶拙百無用素業本自甘漁樵他年
結鄰倘可卜為我更縛三重茅

西莊始存稿卷九

西莊始存稿

西莊始存稿卷九

西莊始存稿卷十

古今詩 知時集

十月十七日自珠巢巷徙順承門大街料理
理麗完雜題齋壁六首

家具少于車新來拚擋餘鳳城仍倦客菜市此深
居不願因人熱惟應愛我廬鋪牀忙未了子細理
殘書

別開三徑曲為避六街喧狹拓牛鳴地共迎羸髻

痕門前可已教安茗竈佇待縛稽樊造請經年斷

誰敲樹下門

西莊始存稿

卷十

蓬勃謝飛塵，娑拖著病身。東風馬耳過，蒼狗白衣新。
樸學安時論，初心對古人。妻孥知懶極，不復訴空困。

青棠可蠲忿，兩樹恰簷端。疎影傳宵聶，佳名記合歡。
搖風艸葉落，戰雨敲皮乾。預計來年事，穠花滿眼看。

九門風雪後，不出類寒蟲。讀書醫治悶，繙經勾當窮。
低俛牕紙白，堅擁火鑪紅。忽憶銅坑路，巡檐有夢通。

獨坐杯還把，長吟枕或欹。萬間廣庇意，一室掃除時。
歲月看蓬鬢，江湖負釣絲。回腸餘痛在，三復退之詩。
退之示兒詩，昔我入京師，止攜一束書，辛勤餘書以示兒，曹其無迷厥初，今予買屋定居，嗣韋已天歿，故云。

恭題

御畫冬景小幅八首

驚瞻

天筆喜難名，竹樹雲山分外清。

五夜焦勞餘少暇，金壺還見墨波傾。

三白豐年恰應期，平蕪竹石影參差。我

皇腕底寒山色，正是千門雪霽時。

華嚴法界妙鎔裁彈指雲嵐小燈開大地溪山皆
粉本旁觀何處仿摹來

三尺犀株蘚石尊一叢翠篠戛瑤琨淋漓元氣看
猶濕豈復人間點筆痕

渲染都由

睿思餘環中方外證如如數竿玉版迎風舞參到
拈花一笑初

苔枝瀟灑伴霜筠暗逗風光蓓蕾新蘸得墨花寒
谷變果然天上有陽春

玉笏青螺幕遠煙蓬萊左股割瓊田無邊風月天
然畫那數遙山郭恕先

落魄江湖一釣徒

鑿坡幾載拜

恩殊得觀

奎藻蓬山上從此心輕十嶽圖

冬夜東齋

寺鐘纔動掩茆堂任爾笙歌沸隔牆

東鄰有歌院
每夜聞度曲

聲撐拄愁憑兔琰碧破除閑付鴈鎧光簾釘響處

風驚牖樹影橫時月轉廊一事長安煞奇絕著書

筆秃滿堆牀

西庄台字高

卷十

三

送鄭慎人之成都三首

詩人遊蜀有成例杜老涪翁與務觀火急安排天
大膽休教壓伏就酸寒
量煤數米

帝城闔鼎鼎年華袞袞塵君又殘冬拋我去矮燈
炙硯共何人

扇子巖頭第四泉蝦蟇碓下自烹煎君行見我留
題處回首東華一悵然

歲暮漫成

昔聞陶宏景三十六方奉朝請頭顱如許不如歸
徑去結托華陽嶺又聞柳儀曹三十七年如暮朝
向後景光難把玩顧影感歎心煩勞我今已及柳
子年未學貞白行歸旋跳丸轉轂鼎鼎裏五劇三
條得得間支離疏身固無害監河侯粟亦可貸寧
使鮎魚上竹竿不作猴獠落布袋

丁丑除夕

蠟燈影裏髮鬢參四十明朝只欠三歲暮日斜時
已迫氣麗言大句猶慙

樂天詩行年三十九歲暮日斜時又莫怪氣麗言語

大新排十掌中一顆珠重睹

今夏六月復得一男衣上五年

塵舊諳癸酉至今多事比鄰喧疊鼓依然節物似

江南

東齋即事

烏巾欹側據藜牀石銚風爐自候湯天入微陰低
卯色雨侵矮檻臥丁香繙書漫擬編欄俗止酒聊
憑禁架狂世態而今看爛熟關門洗足計真良

春暮戲用數字賦九言律詩寄彭芝亭沈

歸愚兩前輩

八門中穿三百九十橋六坊迤邐花市連茶寮天
教二老再起汪韓後謂鈍翁慕廬我擬一塵遠赴求點
招通籍五年歸夢千里隔問字兩家濁酒何時挑

萬人海裏又過風廿四有誰解賞疾琴絃七條

詠白丁香花二首

陣陣催花綠雨敲春條結處展輕苞融酥齊放歲
粧鎖膩粉初勻豆蔻梢雲母牕前風不定水精簾
底影相交縞衣淨把鉛華洗太潔何妨任客嘲
柔枝亂墊玉闌干雪茵霜釘簇作團插傍搔頭成
一色折來絡索訝無端月籠的的還多態露裛皚
皚尚未乾競說唐昌仙子降此花幽獨有誰看

送家東白之蜀二首

汪倫前歲向西川鄭谷今年客左綿謂汪雲矯又

見王郎理行笈定知題徧浣花牋

就居每愛佛燈旁時向禪房問海棠君寓謝金圃齋在憫忠寺

側寺中海棠最盛此際碧雞坊畔路吟顛別自為花忙

一色花題杏花春雨圖送宋觀察乞養歸長洲

林暈首

枝頭紅杏尚書句春雨江南學士詞箇是使君一

家景萬人海裏没人知

吟鞭醉驪拂花歸到日梅天綠雨肥最是家筵捧

觴處錦衣不羨羨斑衣

送相國海寧陳公

予告歸里次留別韻六首

房謀杜斷一身全

溫綉宣來許引年特為史編留盛事寧從山澤學

臞仙拜章北闕重增秩祖帳東門啟

賜筵剩有橐金供治具

君恩渥矣肯營田公得請後加太子太傅頒賞

金五千兩為路費仍案原品在家食俸

尺五城南斗極臨青箱早歲探儒林大文獨蘊中

和氣樸學深研濂洛心共羨韋平承世澤從教瓌

頰繼徽音科名端為人增重出處何曾繫組簪

天語榮褒下紫庭世宗憲皇帝嘉公視學聲名可比李文貞張文端儲端
 拔擢到槐廳乍欣春泣青齊壤旋暗芒消貫索星
 曉直殿頭寒露濕夜批牘尾短燈熒大賢事業原
 殊衆須信淵源在六經

獨角神羊最善鳴崇班聽履得徐行范公胸自藏
 兵甲郭令人推似父兄已喜明良傳一德果然心
 迹遂雙清午橋晝錦優閑地別向名山寄嘯聲
 二朝德望迴崔嵬八袞遐齡取次開定有邊人驚
 再相未容洛社屢銜杯長途

特勅軺車送安信憑傳節使來龍馬精神還似舊
 層霄明處望三台上諭侯家居一二年自行酌量精力尚健仍可來京供職並

命馳驛回籍巡撫二司時加存問

不才初欲涉文瀾換骨叨分九轉丹每荷品題心
 竊忝常思摸索暗中難絳帷立雪粗聞道玉局條
 冰敢負官惆悵歐陽歸潁去楷模遙傍五湖看

邵楠亭園中雜詠六首

池上草堂

鏡面平波皺礬頭倒影微參差魚在藻上下鷺于
 飛

蕢山

西莊始存稿 卷十
蒼藤寶纓玲瘦石小玲瓏勺水欲添瀉寸雲還自
濃

半偈閣

僧衣圍平田佛髻鋪遠翠花月一家春煙蘿無盡
意

花園

籬門無剥啄只有蜜蜂喧藥甲纔掀土園丁早插
樊

真意軒

水木偏宜淡雲林不厭深風泉多靜籟中有無絃

琴

清樾館

竹色如我閑松風與人語山靄入空簾流雲自飛
去

東軒偶然作四首

嘯傲東軒下聊復得此生爲愛陶公詩取以爲軒
名軒在宅東偏連延纔兩楹莫嫌庠狹甚且喜心
迹清空簾敞虛檐低牕送餘明亦有白木牀亦有
素紙屏偶展一卷書遠見千載情日入不遑息繼
以短燈檠誰言軒中客終日無所營

靜寄東軒中春醪時獨撫爲愛陶公詩願作東軒
主移家曾幾時又見春歸去啼鳥多新聲綠樹亦
非故俯仰觀大化冥默如有悟古人既已遠今人
誰晤語兀坐自無言嗒焉朝復暮

經旬嬾出戶亦復少賓客居然成大隱不覺在京
國豈云慕高簡聊取性所適流雲過疎牖蒼蘚上
暗壁形神既無累心遠非地僻

至人得止觀何有寂與喧下士修我拙其術在閉
門侵晨澹無事開襟臨前軒因思我軒外門前九
衢塵機智相傾奪倏忽千萬端相去祇咫尺夷險
遂中分羲農去我久誰能復還淳且理軒中事軒
外毋復云

送彭長人乞假歸南昌

西江詩人卓錫脚蔣奇王雅

心餘秋士

君能參蔣子儻

居嬾眠巷二子西市吾宣南晨星錯落過從簡偶
爾把手情還怵憐君槐廳乍棲宿遽夢越鳥思抽
帆十千酒兌悔不同醉一百五廿四風過又未同
賞三月三丁子香始坼辛夷蕊纔含如蛇去意遮
不住離情千尺飛春潭京華我客今六載吟力漸
退無鋒銛非徒山水少登陟正坐舊侶分張咸篋

中簡點半是送行句。國門眼見一一鞭歸驂。况君
逸格我所畏。妙遠確苦深。而嚴青蓮自出水。其心
泥不黏。大澤騰飛黃。圉人漫施銜。傳衣法嗣。呂自
許簪花。美女楊能堪。弓衣競織井邊唱。那計上竹
愁窮鮎。五城塵撲征衣黔。愛君卻掃垂疎簾。白藤
書笈塞破屋。繞牀旋折皆經奩。倒囊出示新著好。
劉略阮錄懸排籤。何爲一朝舍我去。使我坐愁行
歎心如惓。豫章城頭勝地兼。西山南浦烘晴嵐。章
江引櫂一帶曲。快閣凭檻孤雲興。歸期正及櫻筍
熟。三徑無恙添松杉。江村佳處雖可戀。短告未許

長洄淹。明年遲君到。日春未暮準擬復輿出。郭齊

幽探一林修竹。摩訶菴一拳瘦石。盧師巖

鄰家椿樹恰傍東軒。戲題六首

過牆鄰樹接餘青。一蓋童童覆滿庭。更訝香芽冷
淘便浮來卵。椀有奇馨。

杜陵桃實饋貧人。此誼難從薄俗陳。嘉蔭還堪多
借取。莫將王吉棗同論。

此樹禿枝空有葉。我頭未白早成翁。天涯配爾翻
蕭瑟。生意婆娑感不窮。

質非樗櫟也能全。坐閱春秋歲八千。才與不才真

可處細參妙理養天年
搖風漏月鎮扶疎十二明
窗送影徐他日可能成
故事有人樹底著叢書

鬪雀爭枝蟻穴根靜中觀物訝囂喧
主人不出經旬懶眼見枯楹綠又繁

三月十九日

正大光明殿

御試詞臣蒙

恩特擢一等第一人二十二日引

見勤政殿由編修超授侍讀學士恭紀六首

五載蓬山手一編正衙猶記聽臚傳
許身不敢他途進孤立終邀

聖主憐自揣羅胸無錦艷寧期摘領得
珠圓右銀臺畔深巖地特達驚看冠列仙

彷彿唐規試五題華裯

賜坐兩行齊自鳴鐘動催亭午食
葉蠶聲走赫蹏中使玉盤頒粗粒
小侯乳酒送玻瓈

殿頭飽飫

天厨出歸路爐煙滿袖攜雙
乙覽親勞細品評爭傳

西莊寄紀
天子取門生

一人知己真何恨國士無雙許不輕掣得錦袍承
柳綠分來篔簹扇映花明敢言幾輩皆王後沈宋同
時各有聲

門開明福古槐青拔擢新占鵲喜靈乍訝宣麻移

隻日

唐學士隻日宣麻

旋教躡履到頭廳馬銜

恩顧頻嘶櫪禽煦春陽自刷翎破格殊榮身受處
感深惟有涕交零

麗正宏文並秘書歲巍丹地略相如白圭振鷺心
常凜握槩攜鉛職恐虛西掖挽鈴燒絳燭北扉視
草曳華裾金鑿他日如成記莫忘承天雙引初
壯歲名山抱膝吟登朝已見二毛侵玉堂海燕回
翔影翠岫閑雲澹蕩心經術還期通話訓文章雅
志薄艱深惟餘

異數終難報攬鏡躊躇愧組簪

西莊寄紀

恩詩次和奉簡并呈辛楣六首

宣城

張汝霖雲澗

一從歸棹度龍編賸有驂鸞錄共傳鵬鷃不妨
成各是夔蚘空復解相憐幽居苔向繁欽碧晚

西苑女不稱
卷十
歲松如鄭老圓忽枉瑤華勤問訊故人今領玉
堂仙

御筆親將甲乙題詞臣

恩寵若爲齊朝看金殿探驪顆暮許銀臺散馬蹏
鎖院法尊香脰肫退朝寶炬爛玻璃鑿坡他日
摛遺事應有湘東斑管攜

花鳥三山待論評奇遊遙想冠平生潮迎螺女
榕陰亞關接江郎箬雨輕宮錦堂前拜家慶使
星天上返承明會稽南部新吟奏願助簫韶擊
拊聲時方奉使七
閩乞假歸省

山刊岫嶠字形青龍畫螭書守百靈金石長垂
六一老風流又占第三廳雲疊手拓歸珊網鵲
錦工褫刷皂翎小謝樓前魯公石移書珍重探
竒零君撰翠墨小箋屬
訪宣州顏公殘碑

擬借盈車秘閣書士安羸疾願何如枝官南楚
終嫌散樸學西京久笑虛獨抱遺經供枕籍勤
疏夾註裂衣裾大航魯壁紛紜後憑仗推明合
古初尚書古文後案
聞亦脫稿矣

仲文高步與聯吟才瞻寧虞鬢雪侵鄒馬雅孚
同籍望劉盧兼展世姻心城當橘柚寒偏早秋

八江湖水易深何日長安尋舊雨
慈仁松下盍朋簪

大雩前一夕同梁山舟朱石君沈欽伯齋
宿天壇宏濟寺二首

青豆房中共打包斜陽一抹下松梢
長明分得龕燈影數遍昏鐘百八敲

櫪馬嘶風夜有聲微茫星斗欲三更
推牕好時林端望已見金支萬炬明

爲介景菴少宗伯題岳蕉園畫卷

先生心跡如虛舟流行坎止隨去留
惟將山水寄

靜觀海懷霞想凌滄洲平生星軺極
萬里秦關楚塞兼吳頭勝地過眼不
再遇聊憑畫卷當臥遊今朝示我此
橫幅恍惚初地開丹丘蕉園本是靜
者流筆底爛熳煙嵐浮即如斯圖乃
學北苑法墨花飛處真宰愁一峰擢
青蓮衆峰橫翠虬登登細路轉山脊
竹梢藤蔓寒颼颼人家三五傍厓際
盡收蒼翠歸山樓陵陽白岳接皖口
渭川杜曲連龍湫今之此圖妙結構
舊遊回首同乎不何當暇日從公追
勝賞煙波深處招沙鷗

寓堂合昏樹二株夏日作花可愛得七言

長律十二韻

荷乍抽錢絮點空愛他雙樹坼薰風高撐幄幃重
重合輕抹胭脂淺淺中經雨滿庭香旖旎知時堆
萼色龍葱艷如紺袖酥成暈淡比緗裙絳欲融金
剪忽裁新樣綵綠牕何處吐來絨鬢垂細數原無
瓣毬簇交枝自作叢槐影微炕知異態萱房蠲忽
好同功看朱展轉疑成碧按茜評量休洗紅盡日
空階閑弄影撩人薄靄與初烘試徵炎帝千年錄
恰傍嵇康一畝宮客裏移家都爲爾花邊約伴賞
誰同他年記取微吟地宣北坊南菜市東

王學士庭前合昏花兩樹盛開招集同人

讌賞即事賦呈十二韻 秀水 錢 載 坤 一

學士能招客幽情可賦詩一雙嘉樹在風日小
堂宜葉密方交影花繁只吐絲涼同車蓋蔽濃
似馬纓垂漸向斜曛斂頻將碧罅篩無憑或蠲
忿有信太知時憶舊曾看此頻來爲訪師可憐
勝拱把相對即階墀 曩丙辰歲涂尚書居此桑
水部 毀甫先生寓東齋予
來見兩樹 初作花 未白催吾鬢成陰到汝枝乍偕諸友
醉何止廿年遲摘朶還收藥攢鬢漫畫脂宣南
坊裏句臭味忍差池

王玖畫

寂寂數粒松蒼蒼千仞石古寺在雲巔奔泉落巖隙

翰林東廳古槐三十四韻

滿院撐危綠修柯走暗青根疑元代植幹自有明
零病理曾傷燒空心想劈霆盤坳欹欲臥呀裂洞
開扃密雪回回壓嚴霜歲歲經排雲餘碎葉作態
罩空庭似櫟常依社如槎幾漱溟婆娑疑被觸拳
曲豈遭刑兔目春猶坼虬身晝亦冥义朽空偃蹇
拗怒轉伶俜突兀森賁育便娟謝尹邢眉髟鄭瞞

樣瘦凸宿瘤形最醜蒙俱面全僵貳負靈貞容還
耐禿古貌尚餘馨黛簇千層甲皮皴萬箇釘聶時
同布幄炕處儼張屏蛇忽當門鬪夔惟一足孿騰
那鵬出喙軒翥鳳拖翎蠹窟旁蒸菌苔文曲繞銘
膠枯寧化珀枿老詎抽苓不得昏煙幕偏宜夕照
停雨兼濤浪沸風作瑟等聽斷節中流血成精上
應星匠師憐棄物太守歎頽齡舉子忙何意蟻王
夢乍醒支離當散地擁腫占頭廳吏拾枝添爨僮
慵汲沃餅登登來啄木閃閃聚殘螢作賦應逢庾
司花不藉丁垂陰疎的的絡格靜熒熒細蕊時飄

瓦低梢故入櫺餘滋借劉井接蔭映柯亭羣卉漫
爭麗孤生誰所令素心還共賞珍重比堯莫

夜合樹下取涼

生衣風透欲生稜閑捉機毛自拂蠅一事貧家真
得計濃陰省卻搭涼棚

題畫爲于石蕪賦三首

鏡面春江嫩綠銜溪橋絲柳舞摻摻薊止也有江
南景只少煙中一片帆

白雲遠近菡巖坳塢裏人家短架茅料得深山無
六月玉虹隱隱挂松梢

羣峰回合似旋螺翠樾紅泉白石瑳結得芭籬綠
澗曲釣磯安穩占鷗波

有事方澤齋宿玉堂奉同虞山公用文待

詔韻

聯翩冠珮戛珊珊月轉槐陰六曲闌三日齋期人
郁穆頭廳閣子地高寒吉蠲相戒先申令盛禮由
來配泰壇好是木天清不寐從容拄笏傍金鑾

苦雨

黯黯癡雲鎮自蒙空階點滴到愁中巷泥沒踝無
人到屋漏移牀笑我窮月額經旬仍未散未頭干

畝定成空私蛙底事乘陰氣得意號鳴轉覺雄

喜琴德至信宿敝齋移寓椿樹衎衎心餘
有詩予亦作一篇并懷來殷

乾鵲語簷牙喜母緣衣船侵晨咳嚏發昨夜燈花
然開門果見故人至入門笑擲馬上鞭驚看鬢邊
髮各問別後年有如調飢獲大嚼又如痼疾欣初
痊仙爪爬背銳刮目籠鳥入雲魚縱淵騾網纔卸
堆滿屋通宵鄉語還蟬聯猶記廣寧門外柳絲牽
路旁恨恨送爾旋車輪無角馬蹄圓欲留不留心
悵悵聞爾屢醉平山堂聞爾獨吟趵突泉聞爾冶
城時躡屐聞爾鯨水時扣舷卷中詩句樂人唱海
內高名孺子傳一朝文采動

萬乘官職入手何翩翩翻階紅藥語定妙判花小
鳳毫逾妍春明儻居宅一廛作使奴子琴書遷短
牕先糊紙矮炕須鋪氈安牀掃地忙不了隔巷已
送新詩篇奇兵迫人未成列半渡遮擊森戈鋌我
時枯坐但旁睨銜枚堅壁張兩甄敢言我盈彼乃
竭聊以整暇當精堅吟場角逐今廿載得當大敵
喜欲顛從茲社集羅羣賢機東雲西互邀迓張南
周北相排連不愁寡和彈獨絃所惜江東二妙尚

西莊效存稿 卷十
未全帆山一漁遠滯湖村田聞說麥黃水過定解
纜屈指何日聚頭泥飲沉頓同樽前

重至京師宿西莊兄齋中口占爲贈

青浦王昶 琴德

殘雨空階夕霽天欵門相見語纏綿江湖屢憶
開樽會燈火仍來抱被眠夢裏春明嗟再到篋
中詩卷愛新編多君話我爲官在不道維摩已

解禪

立秋日合昏樹下作

結夏深憑雙樹幽迎涼又喜葉知秋殘花歷亂松

毛似細穗低垂皂莢稠斜日影中時仰面暮蟬聲

底坐消憂自嗤言語麗豪甚欲比韓公詠五楸

郊外散步

水縮見沙明木落知風勁長嘯不逢人斜陽澹秋
影

寄題家上舍盤溪草堂次韻四首

城居真似沈尤居家少于車信所如農丈人中原
有伴齊民術外更無書客辭餅餽因看畫夢斷羊
羣不踏蔬箇是江湖安穩地瓜牛大好結蘧廬
花步相於賦卜居西塘還往駟蛩如

乙丑予館上舍之花步居

西東如不和
壬申予客郡齋而上舍已遷
楓江之西塘每出城必造訪
浮萍踪跡思君面征

鴈殷勤寄我書
顧李聯吟攜濁酒
沙張把臂剪畦

蔬謂顧祿百李勉百
他年和仲還山後
隙地先為

置一廬

煙雲供養畫禪居
珍重郵傳尺壁如
彼染意兼文

沈筆隱淪義取列
莊書上舍畫狎
滿庭穩帖黃山

石抱甕閑澆赤甲
蔬素絹麻牋足箱
箴可能頻寄

浴堂廬

玉堂茅舍總安居
宴坐天花證六如
無那繫匏南

北路祇餘置袖短
長書秋風薊阜飛
寒葉夜雨吳

山長嫩蔬回首音
塵頻悵望幾時對
掩兩蓬廬

秋夜與婦話舊事
因念江村卜築悵
然有

贈四首

蠟淚成堆照不眠
琴絲鬢影總堪憐
滿階霜葉秋

如夢四壁寒蟲夜
似年病後情懷拋
繡線瘦來梳

裏廢花鈿悼殤憶
母都無那望斷江
南薊北天

數載東華不自聊
綠牕並坐感蕭騷
寒衣刀尺陪

宵讀瓦鼎茶湯待
早朝馬磨勞生還
憶共犬臺餘

恨可能招卻嗤割
肉容臣朔但把清
齋學細腰

酒漿機絞每親攜
不似金坡學士妻
摒擋頻煩搜

蓋篋措持多愧蓄鹽螿於陵聞說曾逃聘萊氏原
甘共灌畦回首白沙村畔路木棉開處鷓鴣啼
睡鴨香銷玉漏窮流塵深掩小房櫳何妨放誕時
卿婿聽唱風波欲惱公天畔登樓長客裏燈前擁
髻總愁中一龕底處雙棲穩水北花南結托同

題蔣心餘詩卷四首

盤空佳語大河橫碧海無雲夜月明捨筏登厓君
自遠羚羊挂角衆偏驚

送別登臨壯且哀華嚴彈指現樓臺好詩不是人
間學骨性中間帶得來

酒品從來專貴辣菊花聞說最尊黃若論黃色微
偏在辣味當今獨擅場

木大如魚駭殺儂橐駝腫背豈相容勸君行卷牢
藏弄慎勿輕貽張伯松

家澹人上舍菊莊圖

高人不耐車馬喧名花不稱盆盎種池邊野外苦
竹籬雨倒煙欹任疎縱得全于天轉有態花之知
已惟君共絕勝錦幙十層遮胭脂牡丹世所重君
家莊窠最佳處瀟灑江村傍章貢兩牀菡席一柴
門獨速蓑衣臥菱葑每從農叟和田歌不怕少年

窺屋棟弁陽嘯翁有遺方黃梅雨過香泥鬆此時
菊秧乍可分幾簇陳根手培壅低叢掩冉覆小棚
轉眼繁枝裂霜縫圓釘箇箇金鈴齊濁酒時時白
衣送冷瓷或課跛奚澆宿萼還資膽瓶供大類天
隨舊宅荒頽垣缺處花補空可憐如此好家居何
事輕拋蹇驢控秋花正開悔遠遊秋卷頻年嗟不
用愛君結習狂未除那羨侏儒一囊俸豐臺淺墜
市新栽客舍得閑仍抱甕攜將橫看對花披彷彿
鄉園來入夢落英無言人澹如詩品高寒恣吟弄
風塵留滯跡雖孤笠屨登臨飲猶痛乃知寄興迴
自殊逸氣昂藏漫驚衆古來達士多高躅托物流
連忍飢凍香留晚節每延賓餌得身輕欲騎鳳此
圖寓意良可尋好配茶經追橘頌

張叟荷笠圖

吳興筆法傳其甥老米溪山付其子古來藝事有
淵源往往師承妙神理墨岑山人我老友皴染雲
嵐盈素紙披裘帶索入巖巒散髮垂竿弄煙水胸
中丘壑自天成腕下淋漓乃餘美偶然給札到春
明奉

敕舍毫朶殿裏大圖小燈時經進

至尊動色嗟神技聲名官職一朝伸應奉年年仍
躡履老愁肺疾思捐珮歸結茅茨還掃軌長憂絕
筆少替人粉墨蕭瑟終已矣猶子月川今靜者高
秋訪我宣南里袖中亦有五岳圖山人遺法依稀
是爲言俗工失古格形模塗澤空爲爾興來盤礴
一解衣二華三茅分齒齒鴉尾樹枝濃欲滴磬頭
山色青不已上追董巨有前型下逮倪黃究深旨
取材衆家入鑪錘不離家法終神似更攜橫卷索
新詩卷上須麋何魁壘行歌荷笠自倘徉悵望南
山白雲起我撫此圖重歎息顧影沉吟良有以憶
同山人客淮壻席帽青衫共行李酒酣快睹醉墨
灑乞得縑繒滿箱匭人事浮雲多變滅俯仰舊遊
將一紀交逾兩世我欲老重對小友能不喜長安
儼居苦喧啾那得雲泉洗心耳遙峰一角肯見貽
挂壁臥遊從此始

題裘侍郎漫士苑東寓直圖三十韻

石甕山東海淀西苑門左畔繚垣低溶溶漾漾泉
浮岸下下高高圃界畦退食羣公交接席近光彩
筆忽更題

樓額公所署名

新居前歲纔承

寵

賜第在右虎衛衛

家具從今又別攜澹宕雲嵐連紫閣

西華文不雅 卷一
從容休澣出金閨午橋豈是蒙君賜鑑曲何曾傍
斗奎舊事較量

恩獨重蕭齋料理興無睽百弓曲徑閑栽竹十笏

空庭不貯泥園割澄懷分翠嶂地為澄懷園西隅軒鄰麗

景繞迴谿其前即麗景軒冢宰汪謹堂先生所居嫩蒲似劒方抽筍

細柳如絲乍發萸短笱臥來橫蝮竦小船撐去亂

鳧鷖恰當幽處開風幔轉入回廊上閣梯紺軸三

倉籤壓架紅牕六扇殼釘蠡坐欣搏黍枝間轉愛

聽春鋤煙際啼綠暗前村聞叱犢雨昏遠陌見扶

犁傳宣瀑直仍餘暇茗椀棊枰每並齋客到盤飮

油不託牆頭酒注玉倫提時時按譜呼琴叟琴師錢叟

雲間人客公所往往澆花責跛奚陶寫情懷應類謝疎慵

骨相肯同嵇此間境地原瑤島自有丰標比白圭

人仰光風多煦拂我從學海問端倪偶來剝啄宵

留榻幾度經過馬便嘶燈下樽前談最劇藤梢橘

刺路寧迷乘輶徼外旋銜

命持節河壩再閱隄萬里星霜勞往返九霄池館

重攀躋試教妙手圖橫看乍訝雲林滿赫蹏冉冉

連岑露鬟髻盈盈一水滑玻瓈清時臺省風流別

達士襟期出處齊縱使申歸還郊入依然雪抹更

風批太平良會真堪羨何必煙霞讓退棲

十月十一日奉隨

駕之

命二十五日啓行出德勝門由湯山至盤山歸至

南苑

大閱禮成途次即事恭紀二十四首

傳來

天語最分明特許雞翹扈

蹕行九九屬車儀衛盛也容欵段一書生

觀風柔遠事難忘武備還須較廣場識得

聖謨真遠大區區羽獵陋長楊

千林紅紫帶霜痕細路平沙遠近村剪剪帽裙風

漲處搖鞭纔出國西門

土城已過又清河暗壑淙淙響白波不用登臨頻

弔古時平戰壘久消磨

土城明英宗嘗駐蹕清河元禿堅帖木爾稱兵處

止頓傳呼

帳殿開碧虛樓閣敞雲隈山靈特為

宸居在預遣跳珠濺玉來

湯山有温湯山以此得名

湯山山色翠連娟山上離宮山下泉最是晚來疑

畫裏紺螺浮動小瓊田

太平氣象在西疇刈罷家家說有秋一段鄉村好
風景稻堆高出屋山頭
近光尤切近畿民望

幸真如望歲殷黃口兒童黃髮叟扶藜騎竹迓車
塵

射柳分行靜不譁

天弧每發閃流霞儒臣侍從欣觀禮

敕旨傳宣坐賜茶

三家店行宮上親
率內大臣等習射

中黃夏育猛髮鬅角力程材各逞奇得勝旁觀齊
喝采上前飲酒謝

恩時

射畢觀猛
士角觥

汲井支牀傍陌塍侍臣野宿各分朋中宵望月周
廬外萬點春星萬帳燈

面臨薊野背盧龍突兀田盤翠黛濃指點鬱葱

行幄外單椒秀出四三峰

盤山有上
中下三盤

巖坳深處盡名藍

睿藻拈來大可參雲罩鐘聲如半偈天成橘樹小

江南

山有雲罩寺
應須隔歲一來聽

御製詩云雲罩鐘聲如半偈
又天成寺江天一覽閣中

栽橘樹故御製又有橘月燕山
吟橘樹春風一室小江南之句

安息條支自極西瞻

雲稽頽共扶攜圖開王會長筵設樂奏鈞天法部

齊西哈薩克全部來降于盤山行宮入覲賜燕

聲教從看及萬邦好令立本繪奇厖

盛朝樵牧知王道封魏無須恨不雙

略識徐無返自厓嶙峒紫蓋繫人懷花憐半放酒

微醉如此看山亦復佳山一名徐無紫蓋其最高峰時予三宿山下然諸名

勝實未到也

南紅門裏草初枯鉤盾閑田掌上鋪舊是

天家飛放泊黃羊斑鹿散平蕪

萬騎雲屯海子寬晾鷹臺上早霜寒吾

皇夙戒臨戎帳隊隊材官並據鞍

畫角伊啞響半空綠旗兵合火茶同箕張昂萃都

成勢虎變龍騰各自雄

草頭一點疾于飛槍急身輕乍合圍烈焰忽騰開

巨礮雷轟地軸駭神機

鄂褒英衛盡能軍鴈翼魚麗八陣分細柳威儀今

再睹會看絕域掃埃氛

彌山絡野網周陸講武歸來校獵初已喜從羣歌

吉日還因在鎬詠那居

玉樓平地聳孱顏十二珠簾縹緲間南苑南頭放

西莊外存稿 卷十
煙火萬民同樂賞鰲山

禮成慶洽沛醲膏

星罕初迴矢載攷珥筆空慙才蹇劣可容隨輦附

查高初白江村兩先生均有隨輦集

盧侍讀紹弓檢書圖

平生文字緣夙世結習染失脚軟土中駛景去忽
閃偷閑擁殘編自笑生活淡盧君我同志百氏肆
披檢衣袖有油素籓溷必鉛槧六扇紙牕風二尺
短檠燄食蓼逾覺甘渾忘羹不糝怪君榮利途嗜
退憚趨險于此顧獨貪兀兀意未嗛去年

簡內直晨入五鼓統歸來捲書帷依然板扉掩紛

紛紺軸排一一雌黃點馬史千年來紕漏尚可攬

桐川兼秘省宋刻互增減爬梳一何精毫髮庶無

憾君撰史記考證我聞集賢官東廊資校覽體中彼何如

上車毋乃玷如君職業勤直匹歆與儉一鳴許來

借子祛我欲摻燒燭復引杯扁舟忽興感

李給事西華巡臺賞番圖

鄒衍談天語徒詭徐市求仙亦惘惘不如巡臺極

慨慷壯遊真作凌雲想廈門澎湖渡飛槩周巡所

到還行賞篋筭萬箇榕十丈地衣簾額蹇雲幌階

前立侍百夫長作使花蠻來浩穰雜遯彌環兒負
襁嬾姍蹙躡曳杖攀林出箐自成黨馬崎赤嵌
度良康銅鑲貫耳帕抹額赤紵裁衣芻纏髻兩鬢
簪沙目睜曠雀躍鳧趨頭地搶使者傳呼賚錢鏹
綵花幢布青紅晃釣藤酒香盈甕盎蹈舞牽扛轉
相饗

皇恩宣布咸慕仰

聖化滂洋何蕩蕩我聞此地真滂沱天外雲濤堆
滉瀼八罩港東澳門敞湄洲南去三星朗東西幾
千路莽蒼大岡曩漢中分壤雞籠鼻頭峰直上傀
儡山下驚波盪咖啣吧人此伏莽小醜相繼爭搶
攘桓桓施祖實骯髒剷棘除榛溯疇曩百年來王
復來享猓獠舉踵咸內嚮况有侍臣秉英蕩諸番
益扇仁風廣畫師遠勢工蕭爽遙村煙樹平如掌
斷橋泱泱流泉響樺皮屋子高而廠布穀催耕聽
哢吭番兒鞭牛駕犁鞅番婦縑絲勤績紡此時歸
舍攜珍帑相戒作息棄刀仗嗚呼人生屐幾鞞羨
君鯨波自來往還

朝依然開露輞曲江置酒排銀榜

戊寅除夕

一杯歲酒任曹騰六載長安此夜燈藥力消磨餘

健在時嘔血詩篇整妮付鈔騰錄丙子以碧山未

稱銀魚好三月恩珠顆還欣老蚌增十月得留

得癡狀何忍賣從來有味在無能

已郊人日立春恭和

御製韻

先庚吉日迓青旗是日人勝還兼春勝宜正是東

皇布令日聽傳西極凱歌詞土酥隴上滋新麥盤

縷筵前簇綵絲穀旦明裡

親泣處陽和已共

玉輿馳翼日為穀日上詣天壇

題韋舍人慎旃翠螺讀書圖四首

地多古意傳供奉人有清才替左司寂寞江天雲

霧裏想君攜卷獨吟時

碧筍瑤簋翠掃空天門西上赭磯東把茅蓋頂何

時就便署頭銜作長翁長去聲

猶記青衫浪出遊阻風中酒滯扁舟山根一宿吾

猶戀况汝僧牕數載留

官清贏得一身閑倬直歸來善閉關但使讀書能

不廢何須悵望說還山

金軒來文學招同錢籀石編修韋葑仙舍
人謝金圃編修吳杉亭舍人錢辛楣贊善
家蘭泉舍人遊萬泉莊

九十春忽半枯坐成書癡金生來喚我今日花朝
期城南足煙景斗酒聊可攜蘆塘可遊釣苔磴可
攀躋何苦擲心力鑽此故紙堆拋書笑絕倒此語
良復佳撩撥我狂興破費君酒貲迢迢白紙坊漸
少塵侵衣裁裁右安門出城行長隄溪山我故人
數載會面稀今晨喜相見翠色浮鬢眉雙輪簸復
停殘夢醒復迷恰如擘子船搖兀翻忘疲行行三

四里道旁見殘碑感彼柏下人學仙塚累累

大元

邯鄲子荆公神道碑
背刻遺世頌一首

稍南又一塚長生道院基亦

有仆地石模糊剝銘詞曾聞神樂觀舊隸太常司

云何列卿銜乃畀黃冠師始知明中葉秕政日以

滋太常寺卿馬良德寺丞王應
希諸碑皆神樂觀道士也

回首陵谷遷剝落

螭與龜惟餘濫泉聲遙和松聲哀飲馬投一錢驅

車向前陂西山疊嶂繞懸瀑跳珠璣散成萬千眼

處處波滌洄此地林壑幽狀流互透迤或圓偃如

月或方橢如珪是萬乃強名其數孰細推昔為鶩

鴨所遊人不敢窺

相傳前明畜鶩鴨處
尚膳監太監掌之

今茲盛亭

日南如不稱
卷一
三
榭縱橫插笆籬猶記祖家莊妙絕漁洋詩莊雖數
易主水木仍清暉入門乍空曠汪汪數頃池略約
繚而曲池水清且漪春雪暖乍融輕冰解流漸東
風吹綠皺蹙作鱗差差蕭寥洲渚外蘆筍生未齊
白鳥來何心翻飛雪襍土山遠多態岡壠分屨
屨亂篠戛琅玕雜樹紛間之登登步高下一步神
一怡邃館與涼堂窈窕連廊窈窕亦有卵石徑亦有
罨局畦所惜來太早髡柳尚少稊何況紫丁香朱
藤黃荼蘼我儕樂閑放不在繁艷時愛此荒寂景
轉得一段奇攀林蹋閣遍乘興尋招提萬泉寺像在莊後像

設妙莊嚴刹竿矗歲巍蒲牢吼如牛也復明代遺
鑿名字天斜大抵皆闍兒奚奴頗解事行厨咄嗟
移招要入林間栲栳坐水湄自詫酒腸寬飲若灌
漏卮坐中六七公同里數辛楣若論相識久老錢
及瘦韋予識籀石葑仙在庚申辛酉間距今二十年諸公訂交皆在後我兄近逃
禪吳謝各不羈獨有賢主人乃是新相知樂哉今
夕會醉起爭留題試待紅藥坼重來問豐宜

同作四首

全椒 金啓南 軒來

帝里春暉好花朝出郭宜名園足幽景勝侶偶探
奇草色平蕪淺山容宿雨滋何期雲棧客來共

西莊如不和
卷十
三
此追隨

子自蜀
中至京

遠樹連村暗柴門一徑通橋平殘雪水籬偃古
藤風正壑隱松翠亭臺亞竹叢城南即韋杜相
賞意何窮

婀娜生憐處垂垂岸柳穆風沙仍薊北煙水忽
江南對此興堪遣因之酒易酣閑將故鄉思乘
醉一清談

雅遊耽好景坐久欲忘歸啓戶見明月驅車趁
落暉不孤佳日會還念素心違料得朝回處焚
香靜掩扉

寶所鶴侶漁
菴期而不至

王保定孫同申江歸釣圖六首

宦轍名場已卅年釣竿陡憶海東偏人間何處真
安穩萬頃波心一葉船

寥廓高名孰與儔公才未許說宜休一麾暫寄絲
綸手只似東坡在定州

黃歇渡頭蘆荻花鯉魚風急浪淘沙清詩樂府爭
傳唱別譜漁家與笛家

漫郎放棹入洄溪魚麥關心謝組珪怪得從來賢
刺史每耽雲水狎鳧鷖

愛閑真擬帶苓簪白蒨青蓑早織成卻笑平泉好

西華女不稱 卷十
風景贊皇一夕若爲情

江村我有舊漁磯
申浦膠城近不違
走卻鰻魚定
何日春風燕子又飛飛

即目二首

玉河冰片未全融
岸岸楊椿自颭風
行出便門天
欲曉大通橋外月如弓

鬪起雙隄角樣偏
慶豐插口溜涓涓
兩三敗舫停
沙觜好似長江楸子船

太學古槐歌

橋門辟雍泮水涯
森森黛色撐古槐
濃陰遍覆數

畝皆靈根盤屈高
枝排鳳翎軒翥雲中迴
蒼虬跋浪揚其顛
長風忽起洪濤堆
樹外仍覺晴雲開
微颺徐透箏瑟諧
曉煙輕幕新如揩
傳聞髣髴徵從來
云是元至元中
栽祭酒當時推
魯齋姚樞竇默
稱輩儕一朝赴
召起自懷勲
戚子弟資模楷
講誦餘暇雜草萊
移來嘉蔭親封培
閱年五百修柯摧
斷節餘蠹膠流苔
欣逢

聖世天網恢陽春
鼓動抽條枚維時
壽宿明中台
慈寧方進萬年杯
九如遙祝耆與鮐
茲槐協瑞和
氣胎苧甲暗坼如
松釵新茗舊穎繁
瑤璫飄英落

蕊飛漼漼

辛未

皇太后六我

皇治理追羲媧文明武赫敷埏垓化被日出兼無
雷西域耆定歌康哉誅鉏驅虎驅狼豺

鴻文勒石高崔嵬陋彼樂府侈渥洼肖翹畢育無
纖乖此樹亦復登春臺黌堂大啓羅英才青衿濟
濟簷笠偕菁莪棫樸儲鹽梅神工潛滋化雨催普
潤弱植霑枯稽槐今應候榮根芟濃花碎葉紛皚
皚諸生習禮此徘徊共愛翠樾清陰佳榮光上燭
貫斗魁我

皇文治瞻昭回微臣趨承愧不材叨陪舍菜陳尊
壘摩挲古幹芹宮隈作歌拜手仰
泰階敢繼萋華鳴雖喑

眼底

十圍便腹自空虛眼底羣兒謗任渠此處如教一
念動向來枉讀半生書疾雷擊柱從驚破倦絮黏
泥那受噓展卷聖賢成晤對青熒燈火閉門餘

西莊始存稿卷十

國

